


成案質疑

賊盜十六

卷十八十五




九	二	漢
七	五	書
五	五	門
八		
冊	架	函
號	類	

庫	文	閣	內
九	九	漢	
函	二	書	
二	七		
五	四		
八			
架	冊	號	類

內閣文庫			
番號	漢	9248	
冊數	75 (37)		
函號	296	100	

三十七



詐欺官私取財

冒領帑銀

淺草文庫

康熙五十九年六月刑部議得叅革武舉王泮冒領眾商木價銀兩一案先據江督常 疏稱王泮冒領木價銀兩被眾控告伊子王椿將伊父王泮保領縱逃抗匿不到以致又將王椿武舉叅革據江寧縣呈報差役將王泮在京訪拿押解到案審訊王泮已得中風痰疾不能言語據伊子王椿供稱伊父冒領帑銀是真情願償還王泮在京捕獲歷審情實擬以流罪援免具題臣以採買木植定例藩司給發庫銀取具眾商收領存案令商採買今不傳集眾商取具甘結給發將三千八百四十兩零帑銀私自給與王泮一人及至眾商告發該縣希圖脫卸已罪縱放王泮脫逃其中顯有通同侵蝕情弊况該督察知臧長源縱放王泮已經題叅仍將此案交與審理不合行合



另委賢員再加詳審定擬具題去後今據該督疏稱王泮捏寫衆商頭之名具領是以江寧府照例給發並非私給王泮一人江寧縣非經管承辦之員並無通同侵蝕至王泮脫逃該縣即將伊子王椿叅革旋獲王泮到案委無縱放情弊將王泮仍照原擬具題王泮合依詐欺官私取財計贓准竊盜論律杖一百流三千里但事在

赦前應免罪該督既稱王泮冒領銀兩已經追完給發各商毋庸議奉旨依議

武舉收檢生事

康熙五十五年 月刑部會議得叅革武舉郭永宣生事妄行一案據福督滿 疏稱一欸郭永宣姦佔范氏爲妾二欸因劉漢雲拾花永宣誣指偷竊詐銀二十四兩三欸永宣之弟郭永敬誘黃自明賭博輸錢勒伊將婢女賣銀又吳永妹借永敬銀十五兩勒伊婢女抵還又勒賣布銀二十兩湊還四欸永宣主使僕人黃乙佔僧人通掌園地造坟又永宣主使郭廷儼將姚氏翁姑屍骸遷移五欸因郭大柱犯夜被千總李甲尋獲永宣卽唆大柱以誘賭誣告六欸俞漢大與曾景侯爭告海地漢大給永宣銀十三兩後永宣又詐景侯銀六兩七欸鄭阮韓向葉琦買田具控永宣一同嚇詐阮韓銀一百三十兩分給沈珠銀五十兩八欸劉子新之妻陳氏逼姑投井永宣詐于新銀四十兩將郭永宣等擬以遣戍具題臣部駁行去後今據福撫

陳 疏稱郭永宣既非在官人役與枉法有間將郭永宣等仍照原擬具題前來郭永宣沈珠合依誑騙財物徒罪以上不分首從律發邊衛充軍仍枷號兩個月發遣沈珠年逾七十照律收贖黃自明郭永敬俱照賭博例枷號兩個月責四十板蘭香給主領回郭廷儼應照不應重律杖八十折責三十板山地給主范氏黃乙俞漢大俱在赦前劉漢雲曾景侯阮韓劉于新俱係被永宣抑勒詐騙無庸議郭永宣等所詐各贓俱照追分別入官給主失察賭博之莆田縣知縣賈杖已經革職無庸議奉

旨依議

包人捐貢私吞銀兩又騙以營求中式

雍正九年 月刑部會議覆江撫謝 題吉安府永豐縣武進士李國華招搖撞騙與生員吳宗起營求中式一案緣李國華會試後發正藍旂教習今南昌總兵陳王章曾為該旂叅領因而認識後李國華教習限滿回籍曾往謁見至雍正七年二月內李國華在吉安旅店遇識贛州府雩都縣生員吳宗起言及欲捐貢生李國華稱伊三月內往京候補攬為代捐當立議字現交銀二百兩尙欠銀一百兩至閏七月內吳宗起赴省鄉試見李國華逗遛省中恐悞捐貢卽向退銀國華比將銀一百兩交還餘銀未楚及八月文場後吳宗起未中又向取銀國華無銀欲延時日勸令吳宗起改文就武至九月內有提督監試外場之例李國華頓思撞騙指稱伊係陳王章門生今科監試可以乞墮好字號得中武舉兩人私議除已收捐貢銀一百

兩外吳宗起許于揭曉後再謝銀二百兩至十月示期考校外場韻
州調西園遊擊吳珍協試國華因難指撞隨赴教場覓認識之營兵
吳明志免其轉求吳珍許以謝銀五百兩並謝送吳明志銀五十兩
聳動其心明志恐爲已累告知傳號轉稟查拏題泰歷審不諱李國
華合依誑騙生員財物指稱買求中式例于該衙門首枷號三個月
發烟瘴地面充軍吳宗起合依央浼營幹致被誑騙律免其枷號亦
發烟瘴地面充軍李國華所得銀一百兩與吳宗起所許銀二百兩
照追入官奉

旨依議

弟代兄作文中式

乾隆七年 月刑部會議覆邱鵬飛逸胞弟邱振芳代作文字中式
一案據署閩督策 疏稱緣邱鵬飛係武生善于記誦伊胞弟廬生
邱振芳素有文名填報五經入場邱鵬飛于辛酉科循例收入文闈
亦填報五經邱鵬飛與邱振芳俱在張字號內八月初九日夜適值
大雨軍號赴尾舍躲避邱鵬飛前題俱遇舊誦夙構因四書第三題
雖經自作文未通順潛入邱振芳坐舍令其刪改又以易經春秋各
第四題併禮記第三第四兩題不能作完復往免伊弟代作邱振芳
以謄卷無暇將自作文稿給兄細閱邱鵬飛隨記誦照抄寫完首
場及二場均論表誥判各題邱鵬飛亦俱場前擬讀據拾成篇惟詔
文一道令邱振芳代作第三場策題有典故未明又令邱振芳指點
係自作完卷迨揭曉邱鵬飛倖中榜首致士論不服屢審不諱將邱

鵬飛擬徒邱振芳枷杖恭候

欽定等因具題應如該署督所題邱鵬飛照僱倩代筆之人比照央浼營
幹買求中式發州瘴克軍例減一等杖一百徒三年邱振芳雖據該
署督擬以越舍與人換寫文字例枷號一個月加杖一百但查邱振
芳因伊兄越舍致囑難以推辭代為斟酌改作枷號一個月已屬平
允無容加杖仍照大學士張 條奏律例無可引用援引附例恭候
欽定倘蒙

俞允行令該署督將邱鵬飛徒三年至配所責四十板邱振芳枷號一個
月時逢熱審照例減一等枷號二十五日滿日發為民該署督既稱
號軍趙保等訊無賄縱情弊應予省釋等語應如該署督所議完結
除邱鵬飛代作中式係外場作弊主考房師憑文取中並無失察之
處應無庸議外查定例中式之人如有連號換卷傳遞埋藏夾帶文

字等弊審實將不行查出之監臨提調監試巡察各官照容隱例降
二級調用又定例外官文職自藩臬以上如辦理事件始初失于覺
察後經自行查出檢舉者仍照雍正五年

上諭兩議請

旨其餘道府以下凡無心錯悞自行檢舉者應各照本例酌加寬減如例
應降級調用者即降一級留任等語查邱鵬飛三場俱越舍倩人代
作與傳遞換卷無異王 職任監臨不能即時查出以致僥倖中式
例應議處應將監臨官原任福建巡撫奉

旨來京補授浙江布政使王 照例于現任內降二級調用有紀錄四次
應銷去紀錄四次抵降一級仍于現任內降一級調用但既經自行
查出參奏應否將王 降級調用或從寬免其處分之處恭候

欽定此案雖據該署督 疏稱提調監試等官審無關通情弊且經自行查

出稟報所有各職名應請免叅等語但自行查出稟報亦應減等處分並無審無情弊卽竟行免議之例應行令該署督將提調監試巡察等各職名逐一查叅到日再議奉旨依議工恕着照部議所降之級從寬留任

倩人頂名代替入場

乾隆三年十一月刑部議覆巡視外西文場御史馬昌安等叅奏曹鉅頂監入場考試一案查文場鄉試係掄材

大典一切頂替代考諸弊例禁甚嚴乃監生鞏世則聽從陳訂南說合遂賄倩曹鉅代替入場曹鉅亦貪利受倩均屬不法查雍正十三年四月內議覆原任四川學政隋人鵬條奏嗣後代筆之鎗手照誑騙舉監生員人等財物指稱買求中式例柳號三個月發烟瘴地面充軍其僱倩代筆之人照舉監生員央免營幹買求中式例發烟瘴地面充軍等語應將代考之曹鉅照例柳號三個月滿日僉妻發烟瘴地面充軍倩代之鞏世則亦僉妻發烟瘴地面充軍至配所各杖一百折責四十板代爲說合事發脫逃之國子監書辦陳可南應仍行文各該處嚴緝務獲另結再查所許財物或封貯他處或經寫立議

單文券或交與說事之人例應向許財之人追取入官今研訊鞏世則雖堅稱與陳可南說定如中了酬謝陳可南曹錕銀一百九十兩只給過他現銀四兩並未立有議單合同亦無捐監欠票但據曹錕所供鞏世則許給捐監銀兩欠票沒有要他又封銀在陳可南處等語其有無捐監欠票及所封銀兩是否鞏世則之銀陳可南未經緝獲難以一面之詞懸擬着追應俟陳可南獲到之日嚴訊明確定擬追交其曹錕所得進場盤費銀二兩應向曹錕名下照追入官再查先據該御史馬 等奏稱濫行出結及國子監錄科等官伏祈一併察例議處等語吏部隨劄行國子監將濫行出結并錄科等官各職名作速開送過部以便定議去後續據國子監咨呈稱本監收錄各生遵照定例俱憑同鄉京官印結咨送鞏世則親賞印結到監職名似應免開書辦陳可南犯贓該管官係本監典簿金焜等因又據兵

部咨稱額外主事馬正午與同鄉監生鞏世則出結並無假冒至鄉試時忽易曹錕明係臨場倩代等因咨覆各在案除國子監錄科職名該監既稱遵照定例俱憑同鄉京官印結咨送鞏世則係親齎印結到監職名似應免開等語應免其查議外查出結之兵部額外主事馬正午現經刑部審明鞏世則親向馬正午出具錄科印結是馬正午代鞏世則出結之處尚與代倩頂冒人員出結者不同但鞏世則臨場倩代作弊則其行止不端可知馬正午既係同鄉自應詳慎乃冒昧代爲出結殊屬不合應將兵部額外主事上學習行走馬正午照官員將妄行不法之貢監瞻徇出結例降一級調用查馬正午係額外主事上學習行走之員應於補官日降一級調用至國子監書吏犯贓該管官難辭失察之咎查定例部院書役犯贓不及十兩者該管官罰俸一年等語應將失察書役犯贓不及十兩之國子監

言依議

典簿廳典簿金焜照例罰俸一年奉

捏稱營幹撞騙士子銀兩

雍正八年 月刑部會議覆長沙縣民傅跔子即傅易生等招搖撞騙一案據湖撫趙 䟽稱傅跔子貧窘無賴乘學巨考試各府生童遂商同素相交好之戴起龍吳常綱張耍子欲假以覽賣秀才名色誘騙銀兩戴起龍等允從於雍正二年五月內探聽學臣至衡州府考試各犯偕往彼地傳跔子哄誘李姓一人夥同戴起龍等撞得銀四十兩四人均分逃逸雍正四年傅跔子又於澧州地方探得州民何世萬欲為其子捐監遂誘同至家轉商戴起龍吳常綱假稱提塘之人撞騙得銀六十兩三人均分張耍子聞知又各抽給銀二兩五錢各犯慮事敗露四散遠遁至雍正七年始先後回家見學臣將考長沙府各犯復萌故智四處招搖希圖誘騙經臣訪拏歷審各認不諱并詰訊學臣有無勾通夥騙僉供學臣考試嚴密並未有人勾通

等語嚴訊至再矢口不移將傳跔子戴起龍吳常綱張要子擬以充軍等因具題應如所題傳跔子戴起龍吳常綱張要子俱合依誑騙聽選官吏及舉監生員人等財物指稱買官賣缺及買求中式等項不分首從枷號充軍例枷號三個月僉妻發烟瘴地面充軍至配所各責四十板該撫既稱被騙之李姓審據各犯並不知名字無憑查拏被騙之何世萬已經病故均予免議等語均毋庸議其傳跔子等所騙李姓銀四十兩應在各犯家屬名下照追入官所騙何世萬銀六十兩應在各犯家屬名下追給何世萬家屬收領奉

旨依議

誑騙入學照買求中式例定擬

乾隆六年 月刑部咨據蘇撫徐 咨稱崑山縣汪中砥等誑騙武童陸飛熊銀兩買求入學掉包被獲一案緣汪中砥與汪晉川邵子臣向隨考棚同賣零星錫器汪中砥因值虧本起意昌充憲僕希圖撞騙汪晉川邵子臣俱各允從隨同在外招搖途遇禮生朱敦三即朱正詩往來熟識汪中砥即以奉差查訪幕中念其工食無多許賣一二武生相托朱敦三因已革武生吳近臺素常教射或有售玉先免趙一觀約吳近臺相晤未至旋又親向吳近臺說知適有陸飛熊正從吳近臺學習弓箭吳近臺遂令陸飛熊賄買陸飛熊回家取銀吳近臺往朱敦三家面問汪中砥講定價銀二百四十兩汪中砥等遂圖掉包汪晉川邵子臣先將七九錢二千分作二十封乾隆四年六月初三日吳近臺同汪中砥至陸飛熊寓所陸飛熊持出樣銀二

十兩汪中砥令其措足改期初四日兌封陸飛熊假以換錢爲由向伊姊丈朱星聚取銀二百兩帶領陸受凡捐錢行至朱敦三門首陸飛熊恐其窺破令其先回自進朱敦三家當同吳近臺汪中砥等兌銀二百兩汪晉川等暗將錢包掉換銀封被吳近臺窺破扭住汪中砥正在閩關適陸飛熊之父陸善長尋問其子路遇朱星聚等領至朱敦三家撞見知被拐騙卽將汪晉川邵子臣一併扭獲吳近臺陸飛熊卽令朱敦三報知保正併據朱敦三首營移交該縣屢審不諱將汪中砥等擬以杖徒等因抄招咨達前來應如該撫所議汪中砥汪晉川邵子臣均合依誑騙舉監人等財物指稱買求中式不分首從例枷號三個月發烟瘴地面充軍僉妻發遣陸飛熊合依央免營幹致被誑騙例免枷發遣但該犯與吳近臺看出掉包遣令朱敦三知會保正首解應照知人欲告而自首減二等律杖九十徒二年半

朱敦三首先說合依說事過錢與受財人同科無祿人減一等仍照知人欲告自首律再減二等杖八十徒二年吳近臺合依說事過錢無祿人減一等係爲從又減一等仍照知人欲告自首律再減二等杖七十徒一年半以上各徒犯定驛發配折責應照徒年限擺站滿日遞回管束該撫旣稱陸善長陸受凡朱星聚趙一觀等訊不知情應免置議陸飛熊於知縣劉鶴叅案有名應俟彼案審明從重歸結陸善長亦於劉鶴叅案有名應聽彼案審擬完結等語均應如該撫所議完結封貯贓銀二百兩并掉包錢七百九十文照例入官仍令該撫照例年底彙題可也

官役串通以武生名字騙銀出頂

雍正八年四月刑部議覆據署廣撫傅 疏稱原任廣寧縣叅革病
故教諭余洲枝與學書董雄串騙梁華極銀兩一案緣梁華極於雍
正二年在省應試與廣寧縣學書董雄寓舍比鄰梁華極因考試不
利欲圖僥倖商之董雄而董雄即串本官余洲枝哄誘梁華極頂充
武生王衡名字託言前科歲考乞恩留下虛名帶梁華極到余洲枝
寓處相見議定銀八十二兩梁華極變產得銀七十四兩交付余洲
枝令子余元弘秤收給其諭照尚欠銀八兩余洲枝後遣家人持書
索取經梁華極親至余洲枝家交收歷審不諱至訊據訓導何袞供
稱是年五月赴省送考途中患病二月告假回署調治至七月內始
得病痊其余洲枝官役朋謀哄騙交銀給照之事俱在省城相離寧
邑學署寫遠無從覺察並不知情等語即訊之余洲枝之子余元弘

亦供前項賍銀係伊父自行收取並無與何袞同謀分受等語余洲枝應照誑賺局騙人財物計賍准竊盜論八十兩徒二年半律徒二年半學書董雄應照爲從律徒二年俱經病故無庸議梁華極雖將買頂之處自行首告其誣控何袞亦屬有因且到案隨即供明但頂名不遂始行告發應照不應重律擬杖已經發落訓導何袞雖係同官而誘騙之事毫無干涉前叅革職應請開復所有羈斃董雄職名係署南海縣典史事按察司司獄盧沆再余洲枝係未准飭審之先在家病故管獄承審職名無庸開報等因具題除應擬徒之余洲枝董雄並不知頂冒情事之王衡俱經病故不議外該撫旣稱梁華極應照不應重律杖八十折責三十板已經先行發落余元弘收銀係聽父指使應無庸議等語均無庸議余洲枝所得賍銀八十二兩應著落伊子余元弘名下照追入官此案罪止擬杖無庸題覆應赴刑

科山東道註銷仍知照該撫再余洲枝係在家病故其印甘各結應令該撫作速催取送部至叅革訓導何袞應否開復并議處管獄承審各職名均事隸吏部應將原抄送吏部議可也

廢員包攬營求入學

乾隆三年 月刑部會議覆趙膺圖等包攬郭銓等營求進學一案
據直督李 疏稱趙膺圖係鑲白旗包衣佐領下人原任峽江縣知
縣因叅革歸旂住居雒縣乾隆二年七月初一日趙膺圖因思學臣
劉吳龍係江西人與伊認識妄想求情囑托革生許昌慶包攬武童
進學得銀分用許昌慶應允向妻姪郭銓說明講定銀兩郭銓通知
表弟武童齊如蘭應許出銀郭銓開具名單持付許昌慶轉交趙膺
圖接收言明皆待兩人進學之後交銀是月二十四日趙膺圖探知
學臣劉 住宿饒陽持單稟見捏稱郭銓齊如蘭係伊學徒懇求取
錄當經斥逐檄河間府拘拿郭銓等錄供詳叅屢審不諱將趙膺圖
擬以枷號徒杖等因具題除許銀營求進學之齊如蘭病故外據該
督疏稱定例內載律無正條者比照某律某例或加一等減一等科

斷趙膺圖招搖包攬許昌慶代為兜攬圖利俱銀未入手與得過賍者有間趙膺圖許昌慶俱合依照誑騙舉監生員人等財物指稱買求中式不分首從枷號三個月發烟瘴地面充軍例減一等各枷號八十五日杖一百徒三年趙膺圖係旂人折枷號四十日共應枷號一百二十五日鞭一百查係革職納贖餘罪之後又犯求情謀利與貪官無二不准納贖許昌慶據該督聲明年已七十應照律收贖郭銓合依央浼營幹致被誑騙者免其枷號亦照前發遣例減一等徒三年至配所折責四十板俱照例奏請

定奪奉

旨依議


捏稱包攬入學設計頂換銀兩

乾隆八年 月刑部咨覆署直督史 咨稱邢臺縣陳章等指稱包攬進學設計頂換童生閻世法銀兩一案陳章籍隸大興娶妻金氏寄居湖廣江夏與劉標素相熟識乾隆七年三月內陳章欲赴京適劉標亦欲入都遂邀同行途遇同鄉秦湖同至磁州又遇汪榮亦屬梓里因邀偕行至栢鄉地方陳章起意誑騙商同秦湖以包攬進學為由希圖頂包換易遂留劉標在店夥同秦湖汪榮探知順德府考試且聞南和民俗饒裕至南邑誑騙秦湖先行令陳章等到府會齊寓居馬瑞起店內秦湖假充遊學闖入廩生劉元人館中以伊友陳章係學院署中人現寓府城能傳遞文章包管進學事後交銀等語相誘劉元人因與邢邑童生閻世法交好素聞世法以不能進學為憂隨托景純轉喚閻世法到學將秦湖之言告知世法因有事後交

銀之語遂爾應允劉元人隨同閆世法往晤秦湖議定銀一百五十兩約於二十二日到府公同驗銀封記各散秦湖至府賃居張含房屋見陳章囑令到伊寓所預將制錢封就搭用圖書藏在床內閆世法卽措銀一百五十兩於是日偕同劉元人尋見秦湖前往陳章寓所驗看銀封陳章卽將錢包頂換銀封交與閆世法而散秦湖遂與陳章潛逃出城同劉標等僱馬明之驢連夜遁逸陳章以銀多沉重將銀五十兩交與汪榮攜帶汪榮隨同秦湖先行奔颺劉標與陳章行至欒城投宿任姓店內而閆世法接封之後持回細察似非原封隨將銀封拆視盡係錢文始知被騙隨找同劉元人往尋秦湖等業已鎖門而去當據閆世法并劉元人一同呈首到縣查傳各店家并與騎驢之馬明究明踪跡差役張大行帶同馬明沿途訪獲陳章劉標二人陳章於拏獲後將銀二兩一錢交劉標轉給張大行懇其沿途照看該役不敢隱匿當堂首繳飭審前情不諱陳章合依誑騙舉監生員人等指稱買求中式等項不分首從枷號三個月滿日咨解楚省僉妻定地充軍閆世法合依央浼營幹致被誑騙免其枷號亦照前發烟瘴地面充軍例應免其枷號發烟瘴地面充軍劉元人照說事過錢與受財人同科例依誑騙財物計贓准竊盜論竊盜贓一百二十兩以上絞至死者減一等律杖一百流三千里但閆世法劉元人俱於事未發之前自行呈首均應照律免罪劉標雖未與謀但知情同行應照不應重律杖八十折責三十板遞回原籍發落安插房主張含店家馬瑞起張萬庫均訊不知情代喚閆世法之景純亦不知謀幹情事均無容議差役張大行首繳陳章行賄銀二兩一錢請予給賞起獲頂包錢文應行入官起獲贓銀照例給還閆世法收領逸犯秦湖汪榮應請移咨楚撫緝獲另結未獲贓銀仍從各犯名

詐欺官私取財

下照數追賠擬合咨達等因前來應如該督所議完結仍照例彙題可也



婪收病生銀兩捏呈童生告給衣頂詎准此發教官沉憫失察奸

弊

雍正十二年正月刑部議覆據廣撫楊 疏稱原任仁化縣叅革教諭湯時璉通同舞弊一案緣雍正六年三月內前任廣東學政顧仔臨韶歲考值武生譚文德臂上生疽不能應試有熟識撞棍嚴祇六到寓看視兜攬譚文德告給恬退衣頂索取使費銀七十兩譚文德止出銀六十兩適有恬退文生葉日標到寓探病譚文德告知其事葉日標勸添銀五兩即時辭出迨後譚文德等寫立合同遂偷寫葉日標之名為中見當日交銀二十兩餘銀議以文行到學之日交足嚴祇六遂捏童生譚文德告給衣頂呈詞呈准批給後將呈內童字挖補改作武字發學遵照比教諭湯時璉年老昏愆不能細查來文置放書架維時該學訓導陳元祺尚未到任無從覺察及至雍正九

年歲考湯時璉方始記憶搜獲此呈發與學書葉淳仁註冊亦未看出挖補情弊造冊呈送當經前任學臣鄧鍾岳吊驗原呈訓導陳元祺隨卽查出挖補情弊備由詳明發審湯時璉又以老病不到以致叅革究審湯時璉堅供嚴祇六雖屬相識從無通同作弊情事當日奉發原呈到學皆因年老昏昧未加查察放在書架日久遺忘非出有心藏匿質之革生譚文德各供無異除嚴祇六于未叅之先已經在家病故葉淳仁保候在外病故不議外將譚文德擬徒葉日標擬杖收贖等因具題應如該撫所題已革武生譚文德應照以財行求計所與之贓與受財人同科枉法五十五兩杖一百流三千里無祿人減一等律徒三年至配所杖一百折責四十板俟徒限滿日遞回原籍地方官嚴加管束不許出境該撫旣稱葉日標偶爾撞遇勸令添銀並無說事過錢合約亦無畫押應照不應重律杖八十照律收贖湯時璉雖無通同受賄情事但不能看出挖補字跡又不將詞內情節詳明竟將批呈久不發房殊屬溺職已於本案革職毋庸議訓導陳元祺到任在後且經查出詳明應免議等語均無庸議嚴祇六所得賄銀六十五兩於家屬名下照追入官再該撫疏稱從前違例批准童生求給衣頂係前任廣東學政顧仔相應聲明聽候部議等語查議處文職事隸吏部應將原抄送吏部議俟議結之日送回本部存案至此案罪止杖徒毋庸題覆仍赴刑科山東道註銷可也

指官撞騙

雍正八年 月刑部會議覆東光縣監生任慎德控告革退監生侯
會慶併革退武舉莊龍兆等指官嚇詐一案據直督唐 疏稱任慎
德叔祖任盡性之嗣將任慎德之父任端承繼雍正三年三月內任
盡性物故任慎德堂兄任會德告爭繼嗣有任慎德堂姨表兄莊緒
黃并楊邦林及任慎德外祖柴盛生在任慎德家料理喪事楊邦林
以訟事須用銀打點方得家資任慎德即免楊邦林莊緒黃柴盛生
偕赴侯會慶家共相計議楊邦林又以訟必不輸銀可撞騙私告侯
會慶會慶允從共議銀二百八十兩六錢零任慎德如數備銀於雍
正三年五月初三日偕同柴盛生并喚莊龍兆工人馬福才將銀交
與侯會慶收受莊龍兆備知撞騙情由隱忍不言後經縣審產歸任
慎德侯會慶昌為打點之功竟將所收銀兩四股均分楊邦林侯會

慶各得銀七十二兩分給莊緒黃銀七十二兩其餘一股銀七十二兩楊邦林以給柴盛生為名携回止給柴盛生銀二十二兩五錢餘銀併收入已又莊緒黃先會代任慎德借貸銀三十五兩七錢莊緒黃令莊龍兆代索任慎德即交還莊龍兆錢八十一千莊龍兆知莊緒黃分得贓銀即止給莊緒黃錢一十一千其餘錢七十千合銀三十五兩侵吞入已迨後任慎德知係被騙具詞控告侯會慶旋即脫逃於雍正七年閏七月初四日拏獲到案歷審各認不諱侯會慶合依指稱各衙門打點使用各色誑騙財物犯該徒罪以上律發邊衛充軍該犯又負罪潛逃應照該發邊衛充軍者擬絞例擬絞監候莊緒黃莊龍兆係任慎德無服之親應照期親以下詐贓者依親屬相盜律遞減科罪無服之親減一等為從又減一等律杖九十徒二年半柴盛生合依說事過錢與受財人同科無祿人減一等律杖一百

發應減罪三

任慎德

徒三年年逾七十律收贖侯會慶莊緒黃柴盛生莊龍兆贓銀照

自行首告例應追還原主

進入官楊邦林名一贓銀七十二兩并中飽分給柴盛生銀四十九

兩五錢楊邦林既已病故無憑質對亦無可着追應將贓銀在侯會

犯人力死勿征未便確贖

慶莊緒黃柴盛生名下難賠同伊等自得贓銀一併勒追入官任慎

德以財行求雖據自行告發但伊係監生行止有虧應革去監生不

准開復馬福才聽從使喚審不知情應請免議等因具題除楊邦林

未經到官病故不議外侯會慶應照例擬絞監候莊緒黃莊龍兆依

律徒二年半至配所折責三十五板柴盛生依律杖一百徒三年年

逾七十照律收贖任慎德應革去監生不准開復馬福才本係傭工

聽從使喚審不知情應毋庸議侯會慶莊緒黃柴盛生莊龍兆所得

贓銀照追入官楊邦林名下贓銀在於侯會慶莊緒黃柴盛生各名

下攤賠一併入官奉

旨依議

刑部會

卷十八

誑騙土司財者入手

雍正九年 月刑部會議覆昆明縣已革武舉高昱等商謀誑騙官
犯祿萬鍾木那銀兩一案據雲督鄂 疏稱緣祿萬鍾係烏蒙土府
縱容夷目祿白坡等謀叛革職審擬照例遷徙江西省安插回家口
看禁省城三皇廟候文起解木那亦係祿白坡等謀叛案內審擬絞
罪監候高昱乃三皇廟鄰與祿萬鍾奶上汪百宰家人阿驢等時於
鄰街林茂華舖內接談遂成熟識雍正七年二月內祿萬鍾患病汪
百宰等免高昱延醫生李治龍治痊謝銀一兩四錢五分李治龍心
疑祿萬鍾曾為土府必有資財指稱有門路打點可以免其遷徙江
西商之高昱以圖撞騙高昱即轉囑汪百宰阿驢回告祿萬鍾母子
索銀一千五百兩祿萬鍾母子以急切無銀覆待緩圖祿萬鍾旋即
僉解高昱之弟高晟想及在監之木那亦係土人蠢夷可欺於雍正

八年四月底途遇阿驢囑令轉言與木那索銀一千五百兩許免死罪釋放木那因阿驢年幼不能幹事告知汪百宰卽邀林茂華同見高昱申訂前事並免高昱領見李治龍高昱遂借好友生員楊時中卽楊蔚秀之居以爲坐地更煩代作通事事成分銀酬謝楊時中依允照高昱所囑言於汪百宰未幾木那之子李占先自烏來省探望其父拉汪百宰同見高昱叩求高昱依允李占先卽送銀二兩煩高昱備席邀請李治龍商議汪百宰傳述木那之意許銀至一千兩求放歸家變產以償高昱等令其齊銀封貯放人相訂而散因木那無銀未交經臣訪拿各犯到案歷審不諱木那所許贓銀高昱等並未入手將高昱楊時中高晟擬以軍罪汪百宰擬徒係夷人照例枷責林茂華擬杖等因具題除祿白坡謀叛案內審擬絞罪監候之木那在監病故不議外應如該撫所題高昱楊時中高晟均合儉稱各衙門打點使用名色誑騙財物計贓犯該徒罪以上者不分首從充軍例僉妻發邊衛充軍至配所杖一百各折責四十板高昱所得辦席銀二兩照追入官汪百宰應照說事過錢與受財人同科無祿人減一等例杖一百徒三年係夷人照例枷號四十日杖一百折責四十板解往江西給伊王祿萬鍾服役該督旣稱林茂華雖未與謀但隨汪百宰行走合依不應重律杖八十折責二十板先行發落阿驢李占先年幼無知俱先摘釋等語均無庸議逸犯李治龍應令該督嚴緝務獲另結奉

旨依議

教官撞騙婪贓

雍正十一年三月刑部據廣撫鄂 疏稱原任清遠縣教諭陳璵撞騙婪贓一案緣有武生黃元廣於雍正八年九月十六日持詞赴學掛號陳璵見其詞開黃柳正被已嫁弟婦劉氏控告謀財逼嫁陳璵窺破劉氏誣告計圖撞騙即向學書杜祚遠稱柳正訟事伊能向縣說情囑令杜祚遠兜攬黃柳正講銀九月十九日杜祚遠往熟識之鍾元亨家探問適鍾元亨母舅劉朝長係黃柳正姊夫在彼寓宿杜祚遠遂以陳璵之意相告劉朝長詢其銀數多寡杜祚遠回稱陳璵要銀五十兩劉朝長即邀黃柳正至鍾元亨家議定銀五十五兩杜祚遠回稟陳璵應允令其探縣審期杜祚遠見縣懸牌示審即於二十一日催黃柳正將銀包封交鍾元亨收貯至二十三日經縣審結二十五日陳璵即令杜祚遠向鍾元亨拆封陳璵得銀三十五兩杜

詐遠得銀八兩劉朝長得銀七兩鍾元亨得銀五兩歷審不諱陳瑛
合依誑騙財物計贓准竊盜併贓論罪四十兩杖一百律杖一百折
責四十板免刺係貪官不准折贖永不敘用杜祚遠劉朝長鍾元亨
合依說事過錢與受財人同科各杖一百折責四十板杜祚遠仍革
役均照例折責發落黃州正係屬被騙並非以財行求照例免坐武
生黃元廣係因劉氏誣告黃州正案內牽連作証具詞赴訴並非生
事至劉氏已經該縣審結陳瑛等所得贓銀均照追入官等因具題
應如該撫所題將陳瑛等照律杖責發落完結其陳瑛等各所得贓
銀均向各犯名下照追入官此案罪止擬杖無庸題覆仍赴刑科山
東道註銷並知照該撫可也

巡檢指官撞騙及知州承審賭案罰銀率結其子先索罰項入
雍正十一年十二月刑部會議覆原任德慶州叅革知州王玉璿貪
庸不職一案據廣督鄂 疏稱德慶州何展儀於雍正八年三月二
十三日誘革貢何學會革監李紹宗李子浩斥革武生李聖敏到家
賭錢抽頭至三更方散李紹宗所輸錢多不甘於二十五日晚邀同
李子浩李聖敏赴何學會家正在聚賭何展儀探知心懷忿恨前往
捉拿乘何學會開門隨闖入屋奪取竹簽籌馬投訴鄰居生員冼統
渭次日赴州出首經署州事竇儀容通詳四月內王玉璿到任吊審
乃何學會李聖敏李子浩李紹宗懼難免罪遂浼別案斥革巡檢汪
純錫求該州保全功名汪純錫初猶未允旋因王玉璿傳汪純錫進
署待飯汪純錫偶於王玉璿書房窺見何學會等賭博案稿係議罰
完結忽起撞騙之念出署即令何學會等餽送王玉璿銀三百兩可

以擬罰完結何學會等遂共湊銀二百四十兩作八折銀三百兩於六月二十一日交純錫轉送汪純錫撞騙入已越數日王玉璿之子王沛義知何學會等賭案議罰銀四百兩修學遂乘赴倉收米之便密令州書林弘向何學會等索繳罰銀林弘即向何學會要銀四百兩先交王沛義銀八十兩其餘三百二十兩尚在林弘處收貯約俟詳允再繳何學會等又送林弘紙筆銀八兩王玉璿均不知情迨出詳起解何學會等懼何展儀赴府質審堅供賭博又共出銀八十兩賄囑何展儀脫逃經府劉正遠駁飭提訊王玉璿隨拘獲何展儀到案何展儀又改供因挾私妄首王玉璿又不究詰實情將展儀反坐擬流解府何學會等又賄府書簡際會李英銀九十六兩前府劉正遠並未查出依樣審轉經臣訪察究叅歷審不諱將汪純錫擬軍王玉璿等擬徒州書林弘解役林昇分別擬杖革役會元進擬笞等因

具題經臣部查何學會等聚賭一案王玉璿業已審寔即應按律究擬乃僅以議罰完結既經議罰則聚賭屬寔經府駁審又將何展儀反坐擬流前後自相矛盾難成信案且餘銀三百二十兩雖存林弘處尚未交收伊子王沛義已收受何學會等銀八十兩謂王玉璿概不知情亦難憑信今承審各官並不將王玉璿嚴審究擬乃推卸於已革巡檢汪純錫等撞騙私索殊屬徇縱行令另委賢員再加嚴審務得寔情按律妥擬具題到日再議等因題駁咨行去後今據該督疏稱據王玉璿供稱先因何展儀首賭止繳有竹簽籌馬並無牌骰等物且各犯俱供醉後賭博東道情尚可原適值修學需銀故將何學會等議罰詳府後因何展儀受賄脫逃經府駁審何展儀改供挾私妄首而何學會等亦各翻供不認賭博遂據供定罪將何展儀坐誣擬流以致先後互異寔非受賄曲斷等語質之何展儀何學會等

各供相符再訊汪純錫亦供因王玉璿傳進書房待飯適窺見何學會等賭案議罰之稿出署起意撞騙假稱餽送王玉璿銀三百兩可以議罰完結何學會等應允交銀二百四十兩作八折銀三百兩收受入已並非王玉璿使令詐索等語又據王玉璿供稱議罰何學會等修學銀四百兩已經詳明即屬公項何敢先取寔因伊子王沛義不肖私向林弘索繳銀八十兩王玉璿委不知情留貯銀兩上年於林弘家內起獲並非王玉璿先收後吐搆誣卸罪等語是王玉璿始將何學會等議罰後又將何展儀坐誣擬流先後自相矛盾者寔因聽斷不明據供率擬並非受賄徇私事發推卸可知應仍照原擬具題應如該督所題斥革巡檢汪純錫撞騙何學會等行賄銀二百四十兩應照指稱衙門打點誑騙財物計贓犯該徒罪以上者發邊衛充軍例僉妻發邊衛充軍王玉璿將應滿徒之何展儀失入擬流合

依增徒從流失入減三等未決又減一等律杖七十徒一年半照例減盡無科應免其治罪何學會李紹宗李聖敏各出銀六十兩託汪純錫行求免罪應照以財行求與受財人同科計贓以枉法論五十兩以上杖一百流三千里無祿人減一等律杖一百徒三年至配所折責四十板何展儀不將開場誘賭抽頭并首係自首不盡應以不盡坐之應照初犯開場誘賭抽頭例杖一百徒三年至配所折責四十板王沛義私受罰銀八十兩入已合依監臨官吏家人於所部內取受財物依不枉法贓減本官罪二等杖七十徒一年半律杖七十徒一年半至配所折責二十五板府書李英簡際會各得何學會等紙筆飯銀四十八兩合依在官人役取受有事人財以枉法贓科罪四十五兩杖一百流二千里無祿人減一等律杖一百徒三年至配所折責四十板革役以上徒犯限滿回日俱押交原籍地方官約

東不許出境該督既稱州書林弘除索繳罰銀及暫貯罰銀三百二十兩已繳貯州庫各輕罪不議外寔得何學會等紙筆銀八兩應照在官人役取受有事人財物以枉法賍科罪一兩至五兩杖八十無祿人減一等律杖七十折責二十五板革役生員李東長見交買囑何展儀脫逃改供銀兩不行首報應照不應輕律答四十係生員照例納贖脫李子浩之解役梁昇審無賄縱情弊合依押解不覺失囚者一名杖六十律杖六十折責二十板革役失察賭博之總甲會元進照例答五十革去總甲杖笞各犯時逢熟審照例分別減等發落豁免等語均無庸議各犯所得賍銀及賭博錢文并開場賭坊俱追變與林弘繳貯州庫銀一并入官逃犯李子浩嚴緝獲日另結竹簽籌馬應行銷燬該督疏稱褫革生員洗統渭不卽報官應照不應輕律答四十照例納贖仍請復還衣頂革監李容冕供明並非同賭

先經摘釋應免議仍請復還監生等語應將洗統渭照例納贖李容冕免議所革生員監生應俱准其開復奉

旨依議

詎騙屬員出銀求薦經父查叅

乾隆三年六月刑部會議覆東撫法 叅奏伊子福平招搖撞騙並
 濱州知州黃輯賄求薦舉卓異一案查律內詎騙人財物准計賍准
 竊盜論一百二十兩以上罪止杖一百流三千里等語福平詎取黃
 輯鑽營薦舉銀七百一十兩應照律杖一百流三千里係析人折柳
 號六十日鞭一百革職知州黃輯雖係被騙之人但聽信家人李賢
 之言給銀進京賄賂福平希圖卓異薦舉亦屬以財行求應將黃輯
 照以財行求欲得枉法者計所與財物坐賍論罪止杖徒律杖一百
 徒三年遞回原籍折責充徒託張信謀幹之李賢詎賺伊王黃輯銀
 一百一十四兩又花費銀六十六兩分給崔成銀一百五十兩應將
 李賢照詎騙財物計賍准竊盜論一百二十兩以上杖流律僉妻流
 三千里至配所杖一百折責四十板崔成照竊盜為從減一等律杖

一百徒三年遞回原籍折責充徒串通說合之李大椿誑賺銀三百七十五兩夏國勳誑賺銀一百四十兩均應照誑騙財物計贓准竊盜論一百二十兩以上罪止杖流律杖一百流三千里李大椿夏國勳係漢軍折枷號六十日鞭一百張信係民人僉妻流三千里至配所折責四十板說合之李坤分得銀四十兩李大賚分得銀二十兩均應照竊盜為從減一等律杖一百徒三年係漢軍各折枷號四十日鞭一百趙繼普係伊主黃輯令伊來京問信且係律得容隱之人應與審係無干之李圻均無庸議其福平之兄員外郎福基既經寫信寄與伊父法敏據寔叅奏應與免議福平等各犯名下所得贓銀行文該旂籍照追入官其黃輯未付銀一千五百兩係口許虛贓應照例免追至不能約束伊子之山東巡撫法敏業經自行檢舉奉旨免其議處欽遵在案亦毋庸議奉

旨依議

畧人畧賣人

撲項拐賣

康熙四十六年八月刑部准提督陶 擊逃張二等拐賣住京律緣
 由到部將張二照撲項術拐男婦子女為首例擬絞立次孫四等照
 為從例刺字發往寧古塔窮披甲之人為奴孫四顧皮子并妻子發
 遣小花子係旗人止將本身發遣奉
 旨張二着郎處絞餘依議

捆販為從致死人命比律斬候

雍正十二年八月刑部議覆貴撫元 疏稱緣大化里裸民者嫩于
雍正十年十月內曾將銀二十五兩托戈耶買婢戈耶未買將銀使
用迨者嫩往索無銀償還戈耶起意約其擄人抵償者嫩依允歸約
伊弟者志鄰人永鳩并迫脇伊子阿則各帶繩索于雍正十一年二
月二十九日偕往戈耶引至阿落箐口令者嫩等坐守自到對坡立
望相訂人過招手即拏適有卑能卑酒經過戈耶招手者嫩等即拾
棍赶上打倒卑酒同象鳩細手拴脖者志亦即赶上打倒卑能同阿
則細手拴脖嚼口戈耶旋歸者嫩拖拉卑能象鳩管押前走者志拖
拉卑酒阿則管押後行時至三更路過特機寨卑能口不能喊被拉
過去卑酒喊叫寨民出救者志圖脫急拉卑酒臥地不起被拉狼斃
命當經寨民白住等拏獲者志阿則追擒者嫩卑能差獲象鳩戈耶

到案卑能傷經平復歷審各認不諱將戈耶等擬以斬絞等因具題
應如所題戈耶合依外省流棍勾通本地玩法之徒將荒村居住之
人硬行綁去販賣爲首照聚衆搶奪路行婦女爲首律擬斬立決聽
從戈耶網人之者嫩阿則彙鳩合依爲從例擬絞監候秋後處決俱
刺字至者志雖亦係聽從戈耶與者嫩等一同網人但其拖拉卑洒
路過特機寨卑洒臥地不起者志狠拖致斃卑洒之死實由者志所
致若將者志仍照販賣爲從例擬絞監候與者嫩等無所區別應將
者志比照略人略賣人因而殺人爲首律擬斬監候秋後處決刺字
仍遵照大學士張 條奏律例無可引用援引別條比附者于疏內
聲明恭候

諭旨遵行戈耶所得者嫩買人銀兩于該犯家屬名下追出入官臣等更
有請者查律載貴州地方有外省流棍勾通本地玩法之徒將民間

子女拐去四川湖廣販賣甚將荒村居住之人硬行綁去販賣爲首
者照聚衆搶奪路行婦女例立斬爲從俱擬絞監候等語細釋例詞
係畚重網販之罪原未分別曾否致死人命而臣部歷年辦過網販
舊卷內亦並未遇有致死人命之案其略人略賣人本律因而殺人
者爲首斬爲從又應減等擬流是以無可遵循引用臣等以爲網販
案內遇有爲從致死人命之犯若仍以爲從例擬罪無所分別示懲
請嗣後遇有網販爲從致死人命案件除爲首爲從各犯仍照定例
遵行外其案內爲從致死人命之犯俱照略人略賣人因而致死爲
首者斬監候律定擬庶情罪相符輕重有別矣奉

旨依議

高送網販子女

乾隆三年三月刑部會議得餘慶縣民董文才等網賣苗民吳明高
 家口一案據貴督張 疏稱緣董文才與蒲璽于乾隆元年三月二
 十五日在場相遇言及貧難董文才起意網賣苗口蒲璽答以黃坭
 蕩地方苗人吳明高家有男女數口董文才即令蒲璽探信蒲璽後
 遇梁聖聰即以所商情事告知轉令梁聖聰探明往覆蒲璽又轉告
 董文才董文才給蒲璽引路銀一兩二錢令金糾梁聖聰八夥約至
 四月初八日晚在蒲璽家會齊董文才梁聖聰如期而至董文才慮
 及人少蒲璽隨誘伊族弟蒲所同行蒲所未經究明情由同至黃坭
 蕩坡上蒲璽囑令蒲所等在坡等候董文才蒲璽梁聖聰三人於二更
 時分齊至吳明高門首梁聖聰捏稱借火誘令開門探知吳明高家
 無外人蒲璽董文才一齊擁入將吳明高暨妻楊氏子吳老二吳老

賊盜

四

畧人畧賣人

三悉行控網其幼子女四名口令其背負隨行命於吳明高身伴
 搜獲銀八兩行至坡上令蒲忻幫負幼孩梁聖聰託詞先歸復至吳
 明高家將其家資什物罄擄而去蒲忻負送幼孩至巖底地方亦即
 先回次日董文才等將吳明高一家藏匿林內至夜分押至董文才
 家分禁後星蒲璽將吳老三捏稱係董文才家生子賣與搬家往川
 之康健得銀四兩同先搜獲吳明高銀八兩董文才梁聖聰蒲璽三
 人依分蒲忻並未分得贓物嗣因吳明高乘間逃出報官拿獲各犯
 屢審不諱將董文才等擬以斬絞并割斷脚筋等因具題應如該督
 所題董文才合依貴州地方玩法之徒將荒村居住之人硬行綁去
 販賣為首例擬斬立決在犯事地方正法梁聖聰蒲璽俱合依為從
 例擬絞監候秋後處決照例刺字該督疏稱蒲忻應照護送為從割
 斷一隻脚筋例割斷一隻脚筋照例刺字等語查在京竊賊迹人等

犯割脚筋一條已於雍正三年奉

旨永遠停行又

盛京等處創參人犯罪應割斷兩隻脚筋者先經律例館
 議准改為杖一百流三千里遵行在案惟川販案內窩隱以及護送
 之人有問擬割筋之條尚未奏明停止是以督撫遇有此等案件仍
 以割脚筋問擬臣等伏思

國家立法用刑內外原屬一體川販案內之罪應割筋者與竊賊迹人
 創參罪犯情罪相等其在京割筋之條既經停止則外省川販案內
 罪應割筋之犯似應仰沐


聖恩一體停止臣等酌議請嗣後川販案內窩隱護送為首之人罪應割
 斷兩隻脚筋者援照創參案內改准定例杖一百流三千里為從罪
 應割斷一隻脚筋者照減一等例杖一百徒三年仍刺字如蒙

俞允臣部將本案現擬割斷一隻脚筋之蒲忻改為杖一百徒三年事在

乾隆二年四月十六日

恩詔以前應免罪免刺仍將此案定例移咨律例館載入例冊并通行各省督撫一體遵行奉

旨董文才着卽處斬梁聖聰蒲璽俱依擬應絞着監候秋後處決餘依議



黔民誘拐細鄉子女賣給本地之人分別酌減

乾隆六年九月刑部會議覆威寧州夷民者租等細鄉者業弟兄一案據署貴督張疏稱者業偕弟阿社負麻往滇省昭通府羅馬廠貨賣者租同許清昇味路遇者業弟兄者租起意細賣探知者業等歸期與昇味許清商議俱各聽從乾隆三年七月初八日者租復邀機耶歪昇味許清四人齊集沙子坡地方等候者業阿社由廠回來者租誘令者業打火吃烟遂將者業阿社細鄉藏隱山箐搜取銀兩衣物俵分次日者租將阿社交與昇味帶往昭通府覓售適阿得至昇味家索討馬價銀兩昇味即與阿得同將阿社售賣押至恩安縣則車家內時有則車比隣捏波欲買為僕身價尙未講定阿社乘隙脫逃被獲報汛移解恩安縣收審者租許清機耶將者業衙頓不耶家內亦被隣佑赴汛首報關獲各犯屢審各認不諱將者租等擬以

斬絞流杖等因其題除舛味於取供後病故不議外應如該署督所
題者租合依貴州地方有外省流棍勾通本地玩法之徒將荒村居
住之人硬行綁去販賣為首例擬斬立決許清機耶合依為從例俱
擬絞監候秋後處決仍各刺字窩藏者業之不耶合依窩隱為首例
杖一百流三千里係夷人折柳號六十日滿日折責四十板索連相
遇並非同夥之阿得應照知人謀害他人不首告律杖一百遇熟審
減一等杖九十折責三十五板該署督既稱捏波則車金不知情請
予免議被緝之者業阿社已令回籍者租搶得者業衣服行李已經
追出給領者租機耶所得者業阿社銀十八兩許清所得阿社衣物
於各犯名下照追給領舛味所得阿社小刀木碗等物該犯已經病
故應請免追等語均應如所議完結該署督疏稱舛味於緝獲訊供
時該縣公出典史陳朱顯不行收禁取保病故所有應禁不禁職名

係恩安縣典史陳朱顯等語查律內凡獄囚應禁不禁若因該死罪
杖六十官員犯公罪杖六十者罰俸一年等語將絞犯舛味應禁不
禁之恩安縣典史陳朱顯應罰俸一年又疏稱者租等網擄人口查
沙子坡地方附近並無塘汎者租等各犯又係該汎千總蔡之斌全
獲解審失察職名應邀免開等語查此案各犯既係該汎千總蔡之
斌全獲解審其失察職名應免其查議抑臣等更有請者伏查例載
貴州地方有外省流棍勾通本地玩法之徒將民間子女拐去四川
湖廣販賣甚將荒村居住之人硬行綁去販賣為首者照聚眾搶奪
路行婦女例立斬為從者俱擬絞監候等語細繹例意原因黔省半
屬苗疆人民愚蠢因隣省奸宄之徒指與販為業潛赴貴州勾通本
地漢奸或設計誘拐或硬行細綁帶往川廣地方重價售賣故特設
此嚴例以懲奸棍以杜與販之端如係本省愚民無知拐經人口在

本省及接壤州縣地方售賣者似與外省流棍勾通及帶往川廣販賣者有間是以歷年督撫辦理此等案件間有本省之人誘拐本省苗口而亦按照川販嚴例問擬者臣部等衙門曾經駁改奉

旨遵行在案但本省之人拐賣苗口既經駁改則細賣拐賣事異罪同似亦應量為分晰請嗣後除外省流棍勾通本地玩法之徒將民間子女拐去川廣販賣或硬行綁去販賣及本地之人將本省人口拐細赴川廣等省販賣仍照定例分別首從定擬斬決絞候外至若本省民人有誘拐本地子女在本省地方售賣者審無勾通川販情事仍照誘取婦人子女本例被誘之人若不知情為首者擬絞監候為從及和誘知情之人發遣如係本省之人纏綁本地子女在本地售賣較之誘拐人口者情罪稍重雖未經傷人但既細其人復賣其身即與傷人者無異此等人犯為首者即照搶奪傷人例擬斬監候為從者分發邊衛充軍庶情法更為平允於定例亦相照合臣等因川販案件案情不一謹於疏尾聲明恭候

聖鑒儻蒙

俞允臣部即將本案擬以斬決之者租改照搶奪傷人為首例擬斬監候秋後處決擬以絞候之許清機耶改照搶奪傷人為從例分發邊衛充軍窩留之不耶亦應改照雖知拐帶情由暫容留數日者例枷號兩個月責四十板其恩安縣典史陳朱顯照絞犯應禁不禁例罰俸一年者即改照軍犯應禁不禁例係公罪罰俸九個月奉旨依議者租改為應斬着監候秋後處決

誘拐犯姦之婦殺死依故殺律

康熙三十五年十一月刑部會看得郭玉勒死張氏一索據直撫沈朝聘審擬斬罪枷責具題查郭玉向與苗重洪之妻張氏通姦而氏又與傭工之郭心敬通姦情密苗重洪知覺將心敬趕逐氏私囑郭玉邀約心敬不前康熙三十四年十一月二十五日夜郭玉誘出張氏至次日張氏不見心敬遂叫喊不從行郭玉即用帶將張氏勒死棄屍河內歷審情真郭玉合依故殺律擬斬監候秋後處決郭心敬止是短僱月日受值不多應同凡論合依軍民人等與相等人妻通姦者枷號一個月鞭一百例應治罪但郭心敬事犯在康熙三十四年十二月十七日

赦前相應免罪奉

旨郭玉依擬應斬着監候秋後處決餘依議

惶情求婚改斃人命比例擬斬

雍正六年八月刑部會看得烏程縣民孫五誣姦謀娶張依仁姪女張阿秀致令張依仁等將張阿秀推河淹死一案據浙督李 疏稱緣孫五祖住張依仁門首店房開賣簑衣生理孫五窺見張阿秀少女起意圖姦無門可入雍正五年閏三月十五日值依仁暫崔芮氏在家育蚕孫五因與芮氏通奸旋將欲圖阿秀之意告知芮氏洩其挑引芮氏被阿秀斥罵孫五隨買女鞋惶稱阿秀所贈于四月初六日令芮氏向阿秀祖母陸氏求婚陸氏不允芮氏即以阿秀贈鞋孫五之言慌告張依仁聞知隨令阿秀與芮氏封積芮氏不能指出寔據當被阿秀之兄張聖功逐去詎孫五又將阿秀贈鞋之言在外聲揚一面徃求貢生馮貽德作媒徃張依仁家說令張依仁堅不肯從馮貽德即逼以醜聲外播難以他配等語張依仁益信阿秀不端起

意處死卽掌批阿秀腮腴推入河內阿秀扒起逃匿鄰家張聖功以
妹衣服皆濕前往領回適有張依仁母舅陸子飛在傍登激手推阿
秀幫同依仁又將阿秀擎入水內立時斃命孫五因窺張阿秀少艾
先令芮氏挑引不從又密買女鞋布散流言誣爲張阿秀所贈央馮
貽德挾制求婚以致張依仁不察虛寔陸子飛忿激帮推阿秀淹死
孫五雖夫親手行兇寔與已身行殺無異將孫五擬斬監候查係情
重法難寬有照例刺字馮貽德輕聽孫五謊言激成張阿秀淹死之
慘非尋常起釁情輕罪犯可比將馮貽德擬徒芮氏與孫五通姦串
造張阿秀贈鞋之言向伊祖母陸氏求婚其罪正與將暖昧不明姦
賍污人名節之律相符將芮氏枷號一個月責四十板餘罪收贖等
因具題除張依仁于取供後自縊身死陸子飛審明後在烏程縣監
病故不議外應如該督所題孫五應比照凡設方略誘取良人爲妻

妾因而殺被畧之人律擬斬監候秋後處決係情重人犯照例刺字
芮氏除與孫五通姦輕罪不議外合依將暖昧不明姦賍事情污人
名節發附近充軍律係婦人應枷號三個月責四十板不准收贖已
革貢生馮貽德應比照凡將暖昧不明姦賍事情污人名節者發附
近充軍律係爲從減一等徒三年至配所折責四十板再該督疏稱
管押疎忽被張依仁自縊之衙役潘玉等已經發落無庸議奉

旨依議

誘拐幼孩火薰成疾令其求乞

雍正元年五月刑部議覆王起龍等誘拐幼孩阿大小二將小二殺死一案據江撫吳 將王起龍等擬以發遣等因具題臣部以王起龍等見幼孩小二等抱去但用火薰癱廢沿街求乞所得銀錢伊等使用復將小二殺斃明係惡棍承審官照誘拐子女為從例發遣情罪不符應合該撫嚴究擬具題等因題駁去後今據該撫將王起龍等仍照原擬具題除為首之王三已死不議外應將王起龍金子照誘取子女為從例發遣擬罪援引六十一年十一月二十日

恩詔免罪但王三等將二孩拐去火薰挖骨以致癱廢且金子又知欲殺小二金不救援甚是兇惡王起龍金子不便援免應將王起龍金子改昭寬惡光棍生事行兇例僉妻解部刺字發往黑龍江給披甲人為奴奉

旨依議

藥餅迷拐幼童

乾隆三年三月刑部會議覆柯慶等迷拐幼童一案據安撫趙 疏
稱緣石埭縣民張元有潛行迷拐邪術在貴池縣殷家滙地方用藥
迷拐宋發兒張回保帶至無爲州將宋發兒賣與周聚臣爲僕得銀
四兩三錢張回保賣與周魯占爲僕得銀三兩六錢嗣於雍正十一
年間柯慶亦至殷家滙剃頭生理遂與張元有交好柯慶因向張元
有借貸張元有教令迷拐幼童賣銀分用柯慶應允張元有給付藥
餅一枚柯慶至貴池縣玻璃村見幼童譚廣保誘食藥餅拐至殷家
滙尋見張元有將譚廣保交與張元有協令譚廣保認爲叔侄帶至
無爲州正欲覓主售賣被州捕盤獲押帶赴州適途遇宋發兒認明
張元有一并帶州究出夥犯柯慶拿獲到案屢審不諱將柯慶擬遣
等因具題除爲首用藥迷拐應擬絞決之張元有在監病故不議外

應如該撫所題柯慶合依以藥餅迷拐幼小子女爲從例僉妻發寧古塔爲奴查該犯僉無妻室刺字酌發烟瘴地方安插中保陳周叙鄭見超雖不知迷拐情由但不察來歷混行作保俱應照不應重律杖八十事在屢次

恩赦以前應請援宥未經到案之戴聖恩應請免緝譚廣保等查明的屬給領張元有所得身價飭令石埭縣查明親屬着追同陳周叙等原得中保銀八錢照追還主再監斃絞犯張元有之管獄官係無爲州吏目黃荷寵照例罰俸一個月奉

旨依議

誘賣十歲幼童

雍正十一年 月刑部議覆高子介拐賣黃大小子等一案先據江撫謝 將高子介依和同誘拐例擬以發遣等因具題經臣部以定例內誘取子女典賣者被誘之人若不知情爲首者絞監候等語高子介將年僅十歲之蕭二小子餌以飯食比時蕭二小子因飢餓跟到伊家僉不知其誘賣情事該撫將高子介依和同相誘例發寧古塔情罪不符應令該撫再加詳審妥議具題等因題駁去後今據該撫將高子介改擬絞罪等因具題高子介合依誘取子女典賣者被誘之人若不知情爲首例擬絞監候其各犯名下所得身價銀兩照追給主收領其在逃之袁志偉緝獲另結奉

旨依議

刑部議覆湖撫楊 疏稱雍正十一年七月二十

誘拐幼童窩留圖賣情似開密

雍正十二年 月刑部議覆湖撫楊 疏稱雍正十一年七月二十
六日有小孩楊正兒陳狗兒與不知姓名胖孩俱在漢鎮乞食江夏
縣民吳勝先撞遇起意誘拐哄以靠人使喚即可飽煖度日楊正兒
等均各允從吳勝先遂將三孩引至陳元家窩留希圖賣銀分肥適
為吳朝元撞遇知情吳朝元即于是日街遇迷路張勝兒亦用假言
許為尋主覓食引至陳元家窩留二十八日又有黃花兒迷路吳勝
先途遇又引黃花兒至陳元家藏住詎被黃花兒窺破行藏心知拐
賣出言不善吳勝先恐事敗露即將黃花兒送出黃花兒回家訴知
伊姊夫栢士林尋至陳元家扭獲吳勝先等到案歷審各認不諱將
吳勝先吳朝元陳元擬以發遣等因具題查定例誘取子女典賣被
誘之人若不知情為首者擬絞監候又定例夥眾開密誘取婦人子

刑部議覆

卷二十八 賊盜

十五

畧人畧賣人

女藏匿勒賣事發者不分良人奴婢已賣未賣審係開窩情寔爲首者照光棍例擬斬立決等語今吳勝先將年未及歲之楊正兒等誘拐俱送至陳元家窩留其同夥之吳朝元亦將幼童張勝兒誘拐送至陳元家藏匿後黃花兒窺破行藏心知拐賣訴知伊姊夫栢士林扭獲吳勝先等楊正兒始從陳元家走出是吳勝先等夥同誘拐楊正兒等俱不知情陳元屢次窩留顯有開窩情弊今承審官金不究出寔情按律定擬止將陳元等擬以發遣殊屬輕縱應合該撫確審妥擬具題到日再議可也奉

旨依議

關禁迷路稚子圖贖致死比案擬斬

雍正十二年五月刑部會議覆蒲田縣民林里搭死幼孩吳祥丟屍一案據福撫趙 疏稱緣吳祥年甫十齡於雍正九年十二月十二日前往余埭探親因迷路啼哭被林里外甥黃吳遇見報知林里林里卽引吳祥入店希圖取贖當有林岳在林里隔壁周福店內窺見適周福店內事忙喚林里相幫吳祥欲行跟出林里恐人知覺將吳祥抱置櫃內吳祥啼哭站起林里情急用手按下不期用力過重搭傷吳祥咽喉倒臥櫃中林里用被遮蓋隨赴周福店內相幫至晚回歸開櫃探視吳祥已經斃命林里驚懼隨將門鎖閉託故他往至十四日晚回店林岳因見吳祥之祖吳榮侯貼有找尋吳祥招帖隨跟入店詢問林里答應支吾復又將身急坐櫃上形跡可疑林岳將林里拉下掀開櫃蓋看見吳祥身屍林里恐事敗露卽許林岳制錢一

千文懇令移屍林岳允從於十五日晚往林里店內將吳祥身屍背
丟海中而散旋經吳榮侯在濶口海面撈獲孩屍認明具控歷審不
諱將林里等擬以斬徒等因具題除林里主令移屍輕罪不議外應
如該撫所題將林里比照誘賣不從殺人律擬斬監候秋後處決仍
照雍正十一年六月內大學士張 條奏凡律無可援引比附者於
疏內聲明律無正條例奏請

定奪林岳合依棄屍水中不失為從減一等律徒二年半至配所杖九十
折責三十五板林岳所得贓錢一千文照追入官該撫既稱黃亞周
福訊不知情等語應無庸議奉

旨林里依擬應斬著監候秋後處決餘依議

畧賣女孩

雍正十一年三月刑部議覆陽春縣民梁柱英等拐賣陳觀秀等一
案據廣無鄂 疏稱查梁柱英與羅定州民左觀壽平素熟識雍正
十年三月初六日梁柱英至左觀壽家談及貧苦欲畧誘人口售賣
適左觀壽親戚先因伊母患病令僕婦梁亞三歸家服侍其母左觀
壽因亞三之夫已經物故遂與梁柱英商量將梁亞三售賣左觀壽
隨即甜誘梁亞三託言與其舅覓長緣梁亞三應允梁柱英帶領回
家託媒董布經於三月初十日賣與謝大種三為妾適三月內梁柱
英往趨羅定素隆太平各墟見有幼女陳觀秀黃長秀在山割草牧
羊起意圖拐誘各知熟識之唐馬掛閑可盛令其設法拐賣唐馬掛
閑可盛應允三月十八日唐馬掛往田工作途遇陳觀秀誘回伊家
二十日帶交梁柱英而閑可盛又將梁柱英謀拐黃長秀情由告知

孰識之梁三令其轉誘梁三應允于三月二十日赴墟買米路遇黃長秀在山牧牛誘負回家同閑可盛送至梁柱英家各即散歸隨有同居鄉民嚴景德欲買婢女梁柱英將陳觀秀黃長秀帶至嚴景德家景德詢知二女係被拐誘畏不與買梁柱英即將二女帶至孰識之薛麟與家借宿詭稱二女係伊親戚託其尋覓管主嗣經陽春縣伍長梁盛盤獲送縣訊供夥黨陸續拿獲左觀壽等歷審各認不諱將梁柱英等擬以絞以加杖等因具題應如該撫所題梁柱英合依誘取子女典賣爲妻妾被誘之人若不知情爲首例擬絞監候秋後處決唐馬掛閑可盛梁三均合依爲從例合妻解部刺字遵照雍正十年十一月二十日題定改發查克拜達里克北路軍營附近地方種地候臺站牛車辦理妥備到日卽行發遣左觀壽和誘僕婦梁亞三均合依和誘知情例左觀壽合妻解部刺字改發查克拜達里克北路軍營附近地方種地僕婦梁亞三係婦人照例折枷號兩個月責四十板給還伊主藍本吉收領該撫旣稱被誘之陳觀秀黃長秀均不知情應照例免坐給親完聚嚴景德雖未買受但旣知拐帶情由不行首告應照不應重律杖八十折責三十板已經照例先行折責發落謝大種三買僕婦梁亞三爲妾薛麟與聽從梁柱英借宿并爲媒之董布經咸供並不知情均毋庸議等語應毋庸議奉旨梁柱英依擬應絞着監候秋後處決餘依議

誘人幼媳賣銀烹分

雍正十年七月刑部議覆連州民歐天祥等誘畧唐熙孔幼媳蔡亞蘭賣與朱朝幹為媳一案據署廣撫楊 疏稱歐天祥與唐熙孔同村居住窺知唐熙孔夫妻常將幼媳蔡亞蘭責罵蔡亞蘭曾有欲回父家之言歐天祥遂起意畧賣雍正八年六月二十一日乘唐熙孔夫妻及伊子唐宗祥外出止遺蔡亞蘭在家即與伊弟歐光東商謀往誘適伊表姪彭亞井踵至歐天祥即令彭亞井誘出蔡亞蘭歐光東送出村外彭亞井因熟識之黃登隆常往楚省買穀必知彼處富厚之家挽其同往作媒黃登隆查詰彭亞井即告以寔情許賣後給銀一兩黃登隆同彭亞井携帶蔡亞蘭到楚寄寓嚴文曲家黃登隆素知生員朱朝幹為兒覓婦遂將蔡亞蘭改名歐阿梅前往說合言定財禮銀一十四兩二錢彭亞井即冒名歐天祥認為蔡亞蘭之父

在朱朝幹家寫立婚書兩相交受黃登隆取銀一兩餘銀交與彭亞并而散彭亞并回至歐天祥家告以往賣情出除給黃登隆銀及盤費外尚剩銀一十三兩五錢歐天祥取銀四兩五錢彭亞并歐光東各分銀四兩嗣經唐熙孔稟州給照付緝隨往楚省負責鹹魚至花菓園地方認獲蔡亞蘭報州陸續緝獲歐天祥等歷審不諱將歐天祥等擬以絞遣具題應如該撫所題歐天祥合依誘取婦女典賣爲妻被誘之人若不知情爲首例擬絞監候歐光東彭亞并應照爲從例刺字僉妻解部發往寧古塔給與披甲人爲奴黃登隆知情得贓爲媒應照牙保減一等律僉妻流三千里至配所杖一百折責四十板奉

旨歐天祥依擬應絞着監候秋後處決餘依議

僧人誘出幼女得銀轉賣

雍正八年十月部覆備撫趙題生員戴士銘染病延請應赴僧惟愚岳石至家誦經戴士銘令婢女連貴傳遞茶飯適王登初往看惟愚見連貴伶俐希圖構買惟愚遂誘哄連貴擇配于雍正七年四月初十五日約王登初至戴士銘門首誘出連貴交與王登初負歸王登初給惟愚銀十兩後經岳石盤詰惟愚分給四兩岳石恐事敗株連遂奔告戴士銘士銘控告惟愚勒令還俗王登初僉妻一併解剖刺字均合依誘取嬾人女子不分良人奴婢已賣未賣但和誘知情例發寧古塔給與披甲之人爲奴連貴年十三尚未及歲照律收贖給主領回岳石雖無和誘情事業分銀四兩應照枉法贓一兩至五兩杖八十無祿人減一等杖七十但該犯自行往告合依知人欲告而自首者減罪二等笞五十遇熱審應邀免仍勒令還俗贓銀俱照追

刑部會看
卷一

八官奉

盲依議



和誘後知情及為妻亦發遣

康熙三十三年十一月刑部會看賴子亨有女春蘭賣與清遠縣安遠驛驛丞汪尙德為婢後子亨誘尙德之僕土進福帶妻梁氏并伊女春蘭至家恐人知覺于康熙三十三年三月二十日子亨將進福誘至山坑用棍擊斃復將伊妻梁氏強奸及捕役鄧貴緝拿春蘭等子亨知覺遂携春蘭梁氏轉交阮唐長阮奇養帶至廣寧縣地方窩匿賴子亨將拐誘謀殺真情告知阮唐長阮奇養又將梁氏許與阮奇養為妻迨後拿獲各犯歷審情真賴子亨除強姦等輕罪不議外賴子亨合依謀殺人造意者斬監候律應擬斬監候秋後處決阮唐長阮奇養合依誘賣人口知情之人不分旂下民人一槩發寧古塔給與窮披甲之人為奴例應僉妻解部發遣梁氏隨伊夫逃走且伊夫進福被子亨謀殺審不知情及春蘭被父誘回俱無容議梁氏

刑部會看

卷一 賊盜

二十一

畧人畧賣人

春蘭仍給與原主汪尙德可也奉
旨依議

畧賣誤作和誘

雍正十一年七月刑部議准前據江撫謝 審題蕭曰先誘拐鄧夢
熬一案臣部以定例誘取子女典賣爲首者擬絞今蕭曰先說稱在
楚開店許鄧夢熬等工資及將鄧夢熬賣至蘓禹文家始知被拐逃
回今該撫將蕭曰先等照和誘知情例發遣情罪不符應令該撫再
行詳審妥擬具題去後今據該撫謝 疏稱鄧夢熬等因王狗仔等
說稱開店雇其帮工同至衡山縣劉次容飯店詭言雇工將鄧夢熬
賣與蘓禹文爲僕知爲拐賣逃回除爲首之蕭曰先病故外應將王
狗仔照爲從例發遣鄧夢熬等均免議等因具題應如所題王狗仔
合依誘取子女典賣爲從例合妻解部刺字發寧古塔給披甲人爲
奴鄧夢熬等均免議該撫又稱錯擬之廬陵縣知縣吳蘭成吉安府
知府張坦讓俱經覆審改正例邀免議前任按察使今陞安徽布政

使李蘭陞任在先均應邀免查定例駁審事件按律例改正者將承
審官從前舛錯之處免其議處等語今知縣吳蘭成知府張坦讓江
撫謝 俱經覆審改正按察使今陞安徽布政使李 陞任在先無
從覆審改擬均應免議奉

旨依議

和同被誘之婦女遇熱審減等

康熙四十年七月刑部議覆准直撫李 咨稱完縣民張二小之妻
曹氏私歸母家途遇張胖兒將氏誘至蔡望月之家輪姦悲事敗露
于康熙三十九年正月十二日復同蔡福利立契賣與旗人常姓為
婢得身價銀二十四兩均分使用歷審不諱將張胖兒擬以杖流等
因前來除蔡福利取供後在監病故不議外張胖兒蔡望月曹氏俱
合依和同被誘知情之人一槩發寧古塔給與窮披甲之人為奴例
張胖兒蔡望月應僉妻解部發遣曹氏係婦人枷號兩個月杖一百
張玉令張胖兒等將無辜之蔡一富妄行扳指應照不應重律杖八
十均遇熱審減等曹氏枷號四十日責四十板張玉杖七十折責二
十五板買主既不知情毋庸議身價銀兩應向張胖兒等照數追給
其監斃蔡福利一名之管獄官完縣典史徐懷治應交與吏部議可

也

安置流民復犯姦拐

乾隆六年十一月刑部議覆流犯王強與合浦縣監生李賢有之僕
 嬭胡氏通姦逃走一案據廣撫王 咨稱緣王強原籍福建漳州府
 長泰縣人因在木籍毆死林謀案內擬絞入秋審奉文減等子雍正
 十三年閏五月初十日流配合浦縣安置有監生李賢有之僕嬭胡
 氏常出街上汲水買菜王強以言調戲彼此情投因無處成姦王強
 遂思寡嬭林瞎婆獨處一室亦無同居隣佑王強送錢八十文并告
 知情由懇其容止通姦林瞎婆應允乾隆五年六月內王強誘帶胡
 氏至林瞎婆屋內通姦迨後常往姦宿胡氏因主母嚴厲八月初十
 日在林瞎婆家囑令王強帶其逃走王強允從商同逃往廣西地方
 稱為夫妻與人傭工度日約定胡氏于二十四日在石康地方相等
 令其削髮男裝便于行走二十三日胡氏乘伊夫梁永扶跟隨伊主

李賢有往茂名地方當卽逃出潛至林瞎婆家令林瞎婆往街喚到
剃頭之王老五卽王文魁免其剃頭王老五不允胡氏誑以主母嚴
刻欲往省城尋兄爲詞當給錢五百文求其剃頭打辮并囑其不必
聲張王老五貪錢代爲剃髮打辮而去至二十四日胡氏先往石康
地方等候王強依期而至帶領同逃地保李芝賓卽李泗榮往查王
強不見又聞李賢有僕胡氏逃走心疑王強誘拐報縣查緝嗣經
廣一宣化縣六塘汛兵盤獲王強胡氏解縣訊供將胡氏發交伊夫
梁永扶保領候審詎胡氏畏罪復行脫逃未獲王強將與胡氏通姦
拐逃各情供認不諱王強合依和誘知情之人律應流徙者俱發寧
古塔給與披甲人爲奴例係民人改發雲貴等處烟瘴少輕地方交
與地方官嚴行約束仍刺字查王強原籍福建長泰縣免死減流安
置廣東今在廣犯罪擬遣應解回原籍定地充發但該犯例應改發

雲貴川廣等省應請就近定地發遣以免往返押解相應聲明聽候
部議王老五卽王文魁將收受胡氏錢五百文代其剃髮打辮除受
賍輕罪不議外合依知情容隱不首律杖一百折責四十板先行發
落林瞎婆除得受錢文容留王強胡氏在家通姦輕罪不議外合依
雖知拐帶情由并無和同分受財物例枷號兩個月責四十板但年
逾七十兩目俱盲應照篤疾例勿論係乞丐貧婦所得錢文亦請免
追王老五收受胡氏錢五百文照追入官梁永扶經縣訊明並無縱
姦情由地保李芝賓亦無賄縱脫逃情弊止係失于防範王強已于
限內獲回毋庸議疎脫職名請免開泰監生李賢有亦免提訊以省
拖累脫逃胡氏飭緝獲口另結所有疎縱胡氏取保候質脫逃職名
則係前任合浦縣別案叅革知縣王紹侗相應開報理合核審照例
咨部完結俟歲底彙題除咨吏部外擬合咨部核覆等因王強等應

加該撫所議完結仍令遵例歲底彙題至疎脫職名應否免開事錄吏部應移咨吏部查議可也

誘拐旗人之妻私成夫婦

乾隆元年十月刑部看得乾隆元年六月初十日准步軍提督鄂等咨送正白旗滿洲原任副步軍尉馬龍鄂家人阿納庫控告大興縣民聶四拐帶伊妻春姐一案將聶四春姐等拿送到部審據聶四供我係大興縣民我從前與春姐的父親認識時常來往春姐之母大姐與我認了乾姊妹春姐是二哥家人阿納庫的女人于雍正十三年十二月二十八日春姐在大姐家向我說在主兒家受苦叫我替他另尋個主兒我應允了今年四月初三日早我到大姐家遇着春姐又說起尋主兒的話我原叫春姐跟我出來好替你尋主兒春姐依允四月十九日我到春姐家問他幾時出來我好尋房子春姐約定二十二日出來我租了汪家衚衕吳三的房子到二十二日我在春兒衚衕等候見春姐出來我就僱了車拉到租的房子裡住下

因一時尋不着主兒就與春姐成了夫婦我恐怕住在城裡被阿納
庫們尋獲同春姐到城外人家坟園裡去住就被拿獲房主吳三金
不知我拐帶情由是實等語據此聶回春姐俱合依和同被誘例聶
四刺字咨送兵部遵照乾隆元年五月初六日奏准改發雲貴川廣
烟瘴少輕地方交與地方官嚴行管束春姐係婦人枷號兩個月責
四十板再查春姐雖原係陳王之妻但已經收回財禮銀兩令伊母
領回伊母主婚配與阿納庫為妻春姐枷號滿日應給與阿納庫聽
其去留奉

古知通丁

姦拐

乾隆二年四月刑部議覆李南玉姦拐郭之林之妻陸氏一案據湖
撫高 疏稱緣李南玉籍隸江西至湘潭縣剝頭營生因染病難以
度日沿門乞食有郭之林之父郭雲占亦因在鄉覓食彼此識認李
南玉遂借居郭雲占家與郭之林之妻陸氏戲謔成姦迨後姦好情
密李南玉起意拐逃商之陸氏允從於乾隆元年三月初七日即帶
陸氏潛逃是夜借宿素識之李子輝家托其為媒賣身李子輝應允
即於次早僱船令李南玉等先往攸縣約伊隨後便至代為覓主迨
後郭之林訪聞報縣拿獲李南玉陸氏等到案屢審不諱將李南玉
等擬以戍徒等因具題應如該撫所題李南玉合依和誘知情例僉
妻發寧古塔給披甲之人為奴查係民人應遵照乾隆元年五月初
六日定例刺字僉妻酌發雲貴川廣烟瘴少輕地方交與該地方官

刑部定

卷十八 賊盜

二十七

畧人 畧賣人

管束陸氏係婦人枷號兩個月責四十板給與伊夫郭之林聽其去
留李子輝合依牙保減犯人一等律杖一百徒三年該撫既稱黃姓
船戶審非知情載送應免緝究陸氏之翁郭雲吉并氏夫郭之林照
例省釋等語均應如該撫所題完結奉

旨依議

因誤買婢女致革職銜後擬重杖援免咨准開復

乾隆二年九月吏部議覆准刑部咨稱據署廣撫鄂以羅定州監
生又捐州同黎逢明因誤買陳氏等所拐溫奇清婢女秋蓮以致咨
革一案查黎逢明契買秋蓮原不知劉昇等誘拐情事律得不坐止
因集審時不將買後退還情由據實供報致羅不應重杖今同案律
擬之陳氏劉昇俱已援免其黎逢明之罪亦應援免所革職銜相應
咨部開復將原咨送吏部議等因前來應將黎逢明原奏革去州同
職銜之案照例准其開復其不將買後退還情由據實供報仍應擬
杖但事在雍正十三年九月初三日

赦前相應免議奉

旨依議

因拐姦嬭致死嬭人幼女并先則冒昧同接後則知情不首減等

問徒

乾隆四年五月刑部會議覆王六姦拐李忠之妻白氏致死白氏之
女春姐一案據直督孫 疏稱緣王六出口與旂人李忠之父李景
虎分種地畝居在李忠家內李景虎夫嬭并子李忠外出王六乘間
與李忠之妻白氏挑誘成姦後被李忠撞遇掌擊白氏詈罵王六因
係醜事隱忍不言白氏之翁李景虎知覺驅逐王六王六於李忠家
附近處所搭蓋窩鋪挖有地窖夥同趙大趙天基打車貨賣後王六
往李忠家適白氏獨處商令逃走白氏先從即囑王六晚在伊家門
首等候王六恐有虎狼捏稱白氏欲往伊家者望誘令趙天基同行
往接二更時分白氏懷抱幼女春姐潛出與王六等同至高鋪王六
將白氏抱入地窖趙天基窺破拐逃欲聲張被王六嚇止王六因春

姐啼哭恐人知覺頓起殺機將春姐先行掌責復掩其口鼻以致殞命隨將屍擲入窖內白氏痛女啼哭同住之趙大并工人耿平王二小聞聲查詢王六出言嚇唬伊等亦未聲張當經白氏之翁李景虎控獲王六起出春姐屍身驗訊李景虎囑令白氏妄控王六等半途搶掠屢審不諱將王六等擬以斬戍杖徒等因具題除王六姦拐白氏并白氏聽囑妄控輕罪不議外應如該督所題王六合依故殺律擬斬監候秋後處決刺字白氏合依和誘知情例發寧古塔給與窮披甲人爲奴係族婦枷號兩個月鞭一百鞭罪的決枷罪收贖仍給本夫李忠領回聽其去留趙天基雖無同謀誘拐情事但夤夜往接嬾女至家明係姦拐乃冒昧同行及後知爲拐逃又匿不首告合依和誘知情例量減一等杖一百徒三年至配所折責四十板其拐後知情容隱之趙大等均照雖知拐帶情由非和同誘拐分受財物例枷號兩個月發落李忠雖無縱妻情事但目覩伊妻與人通姦不行稟究應照不應輕律笞四十係旂人鞭四十先行發落李景虎囑令伊媳白氏捏詞妄告旋即供明應均毋庸議奉旨王六依擬應斬著監候秋後處決餘依儀

和同被誘父已發遣子止坐姦罪

雍正 年 月刑部看得在邱縣民趙三揚拐賣明之學之妻劉氏一案據直督唐 疏稱明之學係交河縣人貧難度日携妻劉氏乞食任邱雍正七年五月初二日明之學夫婦爭布做衣兩相口角至初三日劉氏赴村外哭泣適值趙三揚之子趙士弘見而詢問情由唆令逃生氏遂懇其代為覓主趙士弘領氏回家遂與姦宿至初六日趙士弘告知伊父趙三揚趙三揚即起意拐賣將氏認為姪婦隨於初六日夜趙三揚領氏赴京寓于素相認識劉大青家劉大青不知拐賣情由即向張大說合又議定價銀八兩張大恐其來歷不明必有保人方肯交銀趙三揚復煩劉四作保得銀八兩將氏賣與張大為妻而回拏獲到案歷 審各認不諱將趙三揚等擬以發遣枷責等因據此趙三揚合依和同被誘例僉妻解部刺字發寧右塔給披

賊盜

三十一

畧人畧賣人

甲之人爲奴劉氏係婦人枷號兩個月責四十板給與伊夫明之學
收領聽其去留趙士弘應照軍民人等相姦例枷號一個月責四十
板該督既稱劉大青等審不知情均毋庸議趙三揚所得身價銀八
兩應于伊子趙士弘名下照追給張大收領奉

有依議

因被主母凌辱隨人逃走

雍正八年 月刑部議覆直督唐 疏稱遵化州民李可學籍隸任
印在馬蘭峪洗鏡營生常在旂人武姓家內生理與武姓之妾富姐
認識後武姓病故富姐因被主母凌辱意欲輕生自盡有同主使女
五姐說合令富姐與李可學逃走結爲夫婦度日彼此允從于雍正
七年閏七月二十四日夜二更時分李可學在菜園等候富姐即携
帶衣包逃出與李可學偕至魏家河地方熟識之秦大家李可學假
稱兄妹暫投寄住秦大信以爲寔遂留住宿後秦大窺破形跡可疑
催令搬移李可學遂同富姐行至大稻地莊即被拏獲歷審各認不
諱將李可學擬遣富姐五姐擬以枷責秦大擬杖等因具題李可學
合依和同被誘例應金妻併部刺字咨送戶部發寧古塔與披甲之
人爲奴富姐照例枷號兩個月鞭一百五姐應照和同被誘知情例

柳號兩個月鞭一百秦大始雖不知拐帶情由但後窺破不行稟報
私自逐出應照不應重律杖八十已經折責發落應無庸議奉
旨依議

營兵姦拐民嬖

雍正八年 月刑部議覆泰安州營兵王庶音誘拐吳治明之媳閻
氏一案據東撫岳 疏稱緣王庶音與閻氏住居同巷閻氏時赴王
庶音屋旁碾米隨相孰識彼此留情雍正七年三月二十三日閻氏
又往碾米王庶音見四顧無人將閻氏拉至屋內成姦甫行出門被
伊姑撞遇看破當即詈罵回至家中復加逼問閻氏寔說被姦情由
經伊夫吳用毆打又聞伊姑聲言勒死次日閻氏復往碾米告知王
庶音庶音即與閻氏商謀同逃閻氏允從于是夜二更乘夫睡熟往
同王庶音逃至伊父王興家王興盤詰知係姦拐懼受拖累將閻氏
送回審擬具題王庶音應照和同被誘例僉妻解剖刺字咨送戶部
發寧古塔給披甲人為奴閻氏係嬖人照例枷號兩個月責四十板
王興詰知奸拐情由即將閻氏送回免其治罪查營兵王庶音擅離

成案卷一
卷一八
汎守誘拐民婦明係該營汎弁平日踈縱不行約束所致查定例官
員約束不嚴者降一級調用等語應將該汎千總陳日增降一級調
用奉

旨依議

誘拐幼童賣給旗人

雍正九年八月刑部會議贖錢塘縣民周來寶拐賣魏起賢一案據
浙督李 疏稱緣魏起賢學習成衣携取衣被等物前往師舖適周
來寶走至見其年幼起意拐騙將魏起賢衣包持去嚇令同行應許
代為覓好地方魏起賢應允周來寶即尋朱德說合僱與童小狗家
甫經旬日因其不好即行交還周來寶得銀四錢後周來寶向葉憲
臣告知拐帶情由尋韓世洪為代書將魏起賢認為親弟葉憲臣作
中賣與枯爾禪為僕得銀三兩六錢周來寶葉憲臣吃飯用去銀一
錢魏起賢自分八錢葉憲臣得銀六錢韓世洪得銀二錢朱德私往
索銀四錢餘皆周來寶入已旋經拿獲周來寶等歷審不諱將周來
寶等按擬軍杖等因具題應如該督所題周來寶合依和誘知情例
金妻解部刺字發寧古塔給披甲人為奴魏起賢亦應照例發遣但

年未及齒照例收贖給還伊兄魏汝正領回該督既稱韓世洪冒昧
寫契朱德收受假銀俱依不應重律杖八十枯爾禪買民為僕照違
制律杖一百韓世洪枯爾禪係旗人交與理事同知鞭責先行發落童小
狗暫留魏起賢數日應予免議等語均無庸議周來賢等所得身價
衣物照追入官給主脫逃之葉憲臣獲日另結查旗人買民為僕該
管官並不詳查甚屬不合定例內官員不行詳查者罰俸一年督撫
罰俸六個月等語應將原任協領兼管佐領事圖勝驍騎校常生均
各罰俸一年查圖勝已陞荆州副都統應於現任內罰俸一年前任
杭州將軍今調江寧將軍鄂 罰俸六個月奉
旨依議圖勝着于現任罰俸一年鄂彌達着罰俸六個月

未嫁之先通姦嫁後拐逃

雍正十年五月刑部議覆賴撫喬 疏稱江陰縣民符興之妻高氏
未嫁之先曾與曹文通姦迨嫁與符興為妻不相往來曹文偶從高
氏門首經過與高氏相遇高氏告以翁夫打罵難堪囑曹文領逃曹
文允從隨懇陸二代覓存身處所陸二輒稱有妹夫張四住居常熟
地方可以托足曹文探知高氏翁夫外出雇船免陸二伴送陸二無
暇令弟陸三同往陸三隨先至船中曹文復邀趙川孫明德護送曹
文進村領出高氏趙川孫明德將包裹分肩下船而返曹文等至張
四家張四見來歷不明不肯容留曹文高氏即行辭出夜宿路旁孤
廟歷審不諱將陸二等擬遣等因具題除高氏保領在家病故曹文
在監病故不議外陸二孫明德趙川俱合依和誘知情例僉妻解部
面上刺字發寧古塔給披甲之人為奴陸三緝獲另結載逃之船戶

既不知情應免緝究已獲衣物給與符興收領監繫曹文之江陰縣
典史張鏞照例罰俸三個月奉

旨依議

拐婦本夫已故卽令後夫領歸完聚

雍正十一年四月刑部議覆江撫謝 疏稱高氏因夫吳京祿身故
家貧乏食在外求乞行至河邊莫渡適高仁德在彼將氏背負過河
求姦氏卽允從當于河邊林內成姦以後時相往來誘氏改嫁高氏
應允高仁德拐氏出逃同至認識之劉周臣家暫停兩日卽向劉周
臣借銀一兩爲盤費引至閩省建寧縣投寓邱翰冲歇店高仁德冒
爲氏夫之兄邱翰冲說合嫁與邱翰冲若爲繼妻高仁德主婚劉周臣
爲媒定議財禮銀二十六兩歷審不諱將高仁德等擬遣等因具題
高仁德高氏合依和誘知情例將高仁德命妻解部面上刺字發往
查克拜達里克北路軍營附近地方種地高氏係婦人柳號兩個月
責四十板又稱劉周臣審不知情但擅自爲媒合依不應重律杖八
十折責發落高氏本夫已死業于邱翰冲家生有一子旣非知情故

聚未便離異仍着邱翰若領歸完聚等語均毋庸議高氏所得財禮
追給吳京祿親屬收領奉

旨依議 謹查高氏夫故貧乏一人求乞改嫁亦係常事高仁德與高氏
止應問和奸之罪擬以發遣似未平允

通姦拐逃

雍正十一年 月刑部議覆浙督程 疏稱唐仁忠乘儲典老出外
與伊妻蔡氏成姦情密商同逃走唐仁忠向打卦之吳顯候問卜訴
知情由吳顯候即以溫州可去回荅雍正十年八月二十日儲典老
出外唐仁忠遂于是夜約同蔡氏逃匿嗣經儲典老控縣拏獲唐仁
忠等到案供認不諱將唐仁忠等擬遣等因具題唐仁忠合依和誘
知情例僉妻解部刺字發往查克拜達里克北路軍營附近地方種
地蔡氏係婦人折枷號兩個月責四十板交與伊夫聽其去留吳顯
候應照雖知拐帶情由僉無和同誘拐例枷號兩個月責四十板遇
執審減一等枷號五十五日折責三十五板奉

旨依議

誘賣婦女

康熙二十五年閏四月刑部據東撫張 題孟福德之母趙氏誘姚
見極之妾孟氏藏隱于劉子樂家商同楊炯假以孟氏爲福德之妻
賣與楊駕得銀十六兩後福德將拐賣孟氏之事愬于張福福遂轉
告見極控縣子樂恨其敗露將孟福德用刀割頭埋于窪內劉子樂
依謀殺人造意斬趙氏等依誘賣人口爲從和同被誘之人應擬流
徒者不分旂下民人一概發寧古塔給與窮披甲之人爲奴例楊炯
不准收贖并妻解部發寧古塔給與窮披甲之人爲奴趙氏孟氏係
婦人不准收贖應各枷號兩個月責四十板孟氏斷歸前夫姚見極
完聚楊駕不知情無庸議奉

旨依議

食十六日清晨楊五假稱出門算命令氏起爨拉氏成姦彼此情密
三月十七日偕巡抵家經縣捕盤獲到官歷審各認不諱楊五符術
姦拐律無正條比例擬以絞決先行刺字劉氏彭氏俱擬枷責等因
具題應如該撫所題楊五合照一切邪術拐誘子女為首者絞立決
例擬絞立決劉氏合依和誘知情發寧古塔例係婦人枷號兩個月
責四十板彭氏合依軍民相姦例枷號一個月責四十板該撫既稱
楊五符書已經銷燬等語無庸議奉
旨楊五著卽處絞餘依議

出繼異姓之堂兄姦拐堂妹同凡論

康熙五十四年八月刑部會議覆蕭三奸拐錢裔之女錢二姐等一
案據原任蘇撫張伯行疏稱蕭三之父蕭大係錢裔胞弟自幼出繼
異姓娶妻生子蕭三後因蕭大病故錢裔念蕭三無倚招留在家乃
蕭三先與錢裔之女大姐通姦大姐慮妹二姐三姐知覺改露計誘
兩妹皆與蕭三成姦至五十二年二月二十日乘錢裔外出蕭三復
與二姐三姐商定携帶箱衣潛逃大姐與伊母朱氏伴宿未經同行
次早朱氏尋覓二女無踪因三女向同居處追問大姐大姐慚忿卽
于是日自縊身死于本年二月二十二日緝獲蕭三等歷審情真蕭
大雖係錢裔胞弟但自幼出繼蕭姓撫養婚配為後年久蕭三又係
蕭大出繼後娶妻所生之子應同凡論除蕭三錢大姐已故外將錢
二姐三姐照例擬以初責具題前來除錢大姐已經自縊蕭三取供

後在監病故均無容議外二姐三姐應照和同被誘例枷號兩個月折責四十板奉旨依議

勾通親弟拐逃出嫁親姊

雍正八年 月刑部議覆直督唐 疏稱鞏德與鄭洪慈左氏俱各熟識并與左氏弟左二小交好緣鄭洪慈門首演戲鞏德與左二小偕往觀看鞏德因天晚難歸即同左二小住宿左比家詎左氏窺見鞏德獨宿遂與通姦鞏德即令左二小囑令左氏偷竊資財潛逃氏即先從先付鞏德銀六兩五錢繼又竊取鄭洪慈銀八十兩并衣服等物左氏詐稱赴城看燈至左二小家鞏德與左二小左氏潛逃審擬具題鞏德應照和同被誘發寧古塔給披甲之人為奴例僉妻解部發寧古塔披甲之人為奴左二小畧賣出嫁之姊應比照畧賣大功以下尊親同凡論律亦僉妻發寧古塔給與披甲之人為奴左氏應照例枷號兩個月責四十板給與鄭洪慈收領未獲贓銀着落鞏德名下追賠奉

旨依議 謹查和誘例載有服親屬犯者仍依本律服制科罪等語左二
 小係左氏胞弟又非誘賣與人為奴婢未便比照畧賣大功以下
 尊親為奴婢同片論律擬流且同律不同例律內載明亦未便照
 例發寧古塔

作媒婚娶婦女

康熙三十三年八月刑部覆浙撫張鵬翮咨稱顧三之妻沈氏常往
 來于王聖瑞家康熙三十三年二月二十七日乘聖瑞他出和誘其
 妾鈕氏載往杭州有陳禿子寫立婚書配與沈氏表弟袁阿聖為妻
 後王聖瑞撞遇沈氏詰問沈氏自知情虧隨奔至杭向阿聖索取鈕
 氏身價交還聖瑞阿聖計無所出陳禿子作中將鈕氏賣與王則榮
 家得身價銀十兩禿子分銀四兩二錢歷審情真陳禿子袁阿聖應
 照和同被誘例解部發遣鈕氏係婦人應照例枷責沈氏雖屬首犯
 但亦係婦人應否起解聽候部奪等因前來查鈕氏先係沈氏唆令
 逃走後鈕氏復逃往沈氏之船一同至杭沈氏鈕氏俱應照和同被
 誘例發遣係婦人各枷號兩月責四十板袁阿聖陳禿子並未夥同
 誘拐因沈氏至杭言係逃走之婦禿子寫立婚書阿聖娶為妻室不

便照和同被誘例發遣查律內收留在逃子女賣為妻妾者杖八十
 徒二年若買者及牙保知情減犯人罪一等袁阿聖陳禿子俱合改
 比依買者及牙保知情減一等律各徒一年半至配所杖七十折責
 二十五板仍遞解原籍發配陳禿子等所得銀兩照追給還王則榮
 鈕氏仍給王聖瑞完聚奉

旨知道了

繼父姦拐繼子之妻

乾隆五年八月刑部咨復陳其其姦拐柯義斯之妻鄭氏一案據原
 福撫王咨稱緣柯義斯係陳其其之妻林氏前夫之子與陳其其
 先曾同居迨乾隆三年十月內林氏病故陳其其乘柯義斯外出遂
 與鄭氏通姦後陳其其恐人窺破即另居別屋嗣鄭氏因不善治家
 被夫責罵前往陳其其家訴知陳其其即乘機誘拐同逃鄭氏允從
 乾隆四年七月十六日鄭氏乘柯義斯前赴福邑生理即赴陳其其
 家藏匿二十一日陳其其攜帶鄭氏由山僻小路于二十五日行至
 閩縣虎日山後因向與段賢華熟識即赴段賢華家中托其覓房欲
 開剃頭店營生段賢華查詢來歷陳其其即捏稱鄭氏係伊妻室同
 出覓食回答段賢華信以為寔遂代向同里之林用參賃屋林用參
 以陳其其係外郡民人恐有來歷不明遂即依允陳其其等遂暫寓

段賢華家內至八月二十日段賢華復拘林用參代為作保陳其其遂得租屋搬居柯義斯自福回家覓妻無踪尋至該地認獲鄭氏投明保長將陳其其等交營解縣屢審供認不諱查陳其其係柯義斯先曾同居後不同居之繼父而繼子之妻被繼父姦拐律無明文繼子之妻與繼父並無門制應向凡論陳其其鄭氏均合依和誘知情例發與寧古塔給與窮披甲之人為奴陳其其係民人照例刺字酌發雲貴川廣烟瘴少輕地方安置鄭氏係婦人枷號兩月杖罪的決枷號收贖交與本夫聽其去留段賢華林用參等并保長黃克恩既據訊不知情均應免議等因均應如該署撫所擬完結仍照例于年底彙題可也

因婿逃亡將女轉賣償還身價

乾隆八年閏四月刑部准步軍提督舒 等咨送李興喊稟伊妻弟張存義拐賣伊妻張氏一案到部臣等審訊各犯緣李興原籍大興貧難度日于乾隆四年二月內同妻張氏用白契賣與正白旗內管領那烟岱家為奴乾隆七年三月內李興棄妻逃走伊主那烟岱即喚張氏之母毛氏弟張存義到家令其將張氏領出交還身價毛氏等具領將張氏接回迨後毛氏因那烟岱催交身價起意將伊女張氏捏稱寡婦兇媒婆王以牙子張德說合于乾隆七年十月初六日立契賣與正黃旗覺羅百盛額為婢買主古盛額不知張氏係有夫之婦遂將張氏作妾現懷身孕兩月有餘李興于本年二月十七日自行投回王家詢知伊妻張氏被賣情由隨即喊稟被獲各自行招認不諱查律內夫棄妻逃亡三年之內不告官司而擅自改嫁者杖

一百仍從本夫嫁賣若由婦女之期親以上尊長主婚改嫁者罪坐主婚等語今李興棄妻逃走未及三年伊妻張氏聽從伊母毛氏主婚捏稱寡婦賣身除照律罪坐主婚之人外應候張氏產後給與前夫李興領回聽其去留但覺羅古盛額價買張氏之時既經審明並不知張氏係有夫之婦是以將張氏作為侍妾古盛額無罪可科非圖姦圖娶者可比而張氏賣身之處實因伊夫遠逃伊主催交身價無奈聽從伊母作主轉賣又與無故私行嫁賣者不同再查張氏前夫李興係內管領那烟岱家逃奴而張氏在古盛額家現經懷孕生長子女即係覺羅自不得與平民一槩而論若欲免其斷離又與律例未符查律不該載情事理合請

旨定奪可否免其斷離之處伏候

俞旨


俞允再向古盛額名下追銀二十兩給與那烟岱為李興娶妻嗣後如有此等事件其情罪稍有未符不得引此為例為此謹奏奉

旨依議

姦拐工主之女

雍正九年 月刑部議覆江撫謝 疏稱緣安義縣民蕭煥短僱李
上栢炊爨未曾立約伊女蕭三妹年長未字屢往厨房取碗李上栢
卽與調戲成姦嗣因有孕被蕭煥知覺將李上栢辭回詎李上栢用
錢一千五百文央鄰居之吳氏通信約會逃走李上栢與蕭三妹同
逃至家內生有一子經蕭煥控告拏獲到案歷審不諱李上栢僱于
蕭煥家傭工僉未立約亦無年限應同凡論將李上栢擬遣蕭三妹
等擬以柳責等因具題李上栢合依和誘知情例僉妻解部刺字發
寧古塔給披甲人爲奴蕭三妹係娼入照例柳號兩個月責四十板
交與伊父蕭煥領回另配吳氏知情得錢串拐應與犯人同罪係嬖
人亦柳號兩個月責四十板蕭三妹姦生之子令李上栢之母鄒氏
收養吳氏所得賍錢照追入官奉

百依議



姦拐同主僕嬭

雍正九年 月刑部 議覆 蘓撫尹 疏稱 孟壽與曹大均係錢舜掄
 家人孟壽乘曹大山 外遂與伊妻王氏通姦起意誘逃向王氏商允
 領王氏逃至蘓城 稱夫嬭借住素識之陶大家經陶大作中得身
 價銀二兩鬻身羅姓家陶大得銀四錢後孟壽途遇舊識之李在公
 告知伊主稟官緝拏孟壽即付李在公銀三錢囑弗聲揚而別孟壽
 復免陶大轉托周斌侯張阿雲說合靠身在蘓開紙行之江西玉山
 縣人徐姓得身價銀五兩六錢內給陶大銀九錢隨赴江西李在公
 又赴蘓尋覓知孟壽王氏已往江西當將奸拐情由告知陶大後孟
 壽復從江西領王氏逃回仍至陶大家又托陳寡嬭作中陶大李在
 公作保得銀二兩四錢靠身張思濟家內陶大得銀一錢陳寡嬭得
 銀二錢李在公得銀四錢後孟壽因聞母故潛回常邑被錢舜掄拏

獲并追獲王氏報官關提陶大李在公到案審擬具題除李在公在
監病故并孟壽王氏背迹投靠輕罪均不議外孟壽王氏俱合依和
誘知情例孟壽僉妻解部刺字發寧古塔給披甲人爲奴王氏係婦
人枷號兩個月責四十板陶大應照知情轉送隱藏罪人減罪人罪
一等律徒三年至配所折責四十板所得之銀照追入官該撫既稱
王氏先行發落據伊夫曹大情願領回聽其完聚中保周斌侯等俱
不知情無庸提質所得媒銀應免追征李在公已故所得孟壽之銀
亦應免追羅姓身價孟壽供已償還徐姓與張思濟身價據供已經
中保認還亦免議追等語均毋庸議再監斃李在公之管獄官按察
司司獄宋自璘已經別案革職毋庸議奉

旨依議

姦拐佃婦窩藏在家

雍正十年十二月刑部議覆高要縣斥革武生姚正姦拐李瓊芬之
妻吳氏一案據署廣撫楊 疏稱緣姚正與李瓊芬素相熟識李瓊
芬于雍正七年十二月初四日携母梁氏妻吳氏同至姚正家姚正
給屋居住金給種田二石與其耕種雍正八年正月二十日姚正窺
見李瓊芬母子外出吳氏獨居遂入室樓抱吳氏成姦後被梁氏撞
遇密告李瓊芬李瓊芬因家道貧窮願將妻私事姚正姚正每月給
穀五石至雍正九年七月內姚正吝不給穀欲令李瓊芬將妻賣伊
爲妾李瓊芬不允姚正即取回原田李瓊芬因失所依即搬回故居
姚正見事决裂復圖誘拐吳氏于八月二十二日早親至李瓊芬家
借以探望爲詞密與吳氏相約逃走姚正先回白馬廟等候吳氏即
于是日午候潛至白馬廟同歸姚正家窩藏李瓊芬訪知控縣歷審

不諱將姚正等擬以發遣等因具題應如該撫所題姚正吳氏合依和同被誘例姚正刺字僉妻解部發寧古塔給披甲人為奴吳氏係婦人枷號兩個月責四十板仍歸本夫聽其去留該撫既稱李瓊芬縱容伊妻吳氏與姚正通姦李瓊芬應照縱容妻妾與人通姦律杖九十折責三十五板遇熱審照例減等發落梁氏雖知伊媳與姚正通姦但已罪坐伊男且年已七十應免議等語均毋庸議奉

旨依議

因妻被拐氣忿刺死首犯

雍正十二年二月刑部會議覆詔安縣民游極因黃氏串同黃道等姦拐伊妻李氏將黃氏殺死一案先據福建巡撫趙 疏稱游極與黃氏同屋而居黃氏向與族姪黃尾通姦雍正六年八月內黃氏乘游極外出誘游極之妻李氏與黃尾通姦復商同黃道等將李氏拐至平和縣地方免羅葉作中賣與江西客人羅蘭飄得身價銀四兩五錢黃尾與黃道各分得銀五錢餘銀黃氏收用迨雍正八年九月內游極回家見妻不在訪知黃氏等姦拐情由向黃氏等詢問不承游極即搬移別住雍正九年正月初四日夜游極因看要行馬見他人夫頗團聚已妻被拐無踪老母又卧病在床無人奉待觸景傷情忿恨不甘乃携鉄鎗至黃氏家騙出黃氏用鎗先戳其右腋肌黃氏以頭向撞又扭開游極帶頭游極又連戳黃氏額顙咽喉臂膊右肋

黃氏傷重隨即殞命歷審供認不諱游極雖因妻李氏被黃氏等誘
姦拐賣一時忿激情有可原但不行控官擅行兇殺游極應擬斬監
候其李氏被拐之處黃氏已死李氏羅蘭飄及為媒之羅葉俱未到
案其是否黃氏為首誘拐李氏是否知情被誘均難懸定將黃尾黃
道暫行監候俟勒緝李氏等獲日查明另結等因具題臣部等衙門
以定例內誘取贖人典賣被誘之人若不知情為首者絞監候其為
從及和誘知情者俱發寧古塔給披甲之人為奴又律內本犯應死
而擅殺者杖一百等語此案李氏如知誘拐之情則游極罪為應得
今為從之黃道已供李氏全不知情黃氏委係為首誘拐自應取具
各犯確供按律定擬方成信讞且案內因姦拐逃之李氏與為媒之
羅葉等又均未到案審訊明白遽將游極擬斬殊未允協行合該撫
作
差幹捕迅提李氏等到案嚴審明確按律妥擬具題到日再

議等因具題咨行去後今據該撫疏稱陸續緝獲李氏等到案歷加
研訊緣雍正六年六月內黃氏乘游極外出將李氏誘與黃尾通姦
繼因米貴李氏乏食黃氏遂起意商同黃道將李氏拐賣以游極在
平和縣唱戲哄李氏往尋李氏不知奸謀告知其姑遂與黃氏偕往
黃氏將李氏引至平和縣李標蘭家住歇私托李標蘭代覓售主李
標蘭即招黃仲嵩黃先趙陳任芳等三人共出銀一十六兩至李標
蘭家承買黃氏即令黃道寫契將李氏私賣黃氏分給李標蘭銀一
兩二錢與黃道潛回黃道亦分銀二兩黃尾聞知亦分銀五錢李氏
被賣之後始知黃氏誘拐情由哭告黃先趙等懇其放回黃先趙等
堅執不從將李氏販至江西轉賣與遠安縣人謝海德為妻得身價
銀三十兩除扣用盤費外黃仲嵩分銀一十四兩陳任芳分銀一十
一兩黃先趙分銀二兩及游極回家不見伊妻訪知為黃氏所賣即

向黃氏查問狡口不承因查無確証不敢遽控至雍正九年正月內
又見他人夫嬭團聚已妻被拐無踪母病卧床無人奉侍怒恨頓起
携鎗將黃氏截傷致斃至李氏被拐之處嚴詰至再出自黃氏哄誘
委不知情將黃道等擬以發遣等因具題除造意誘拐李氏例應擬
絞之黃氏已被游極用鎗截死不議外應如該撫所題黃道李標蘭
黃先趙陳任芳均合依誘取嬭人典賣被誘之人若不知情為從者
發遣例均僉妻解部刺字遵照雍正十一年十二月內題定改發鄂
爾坤等處附近地方種地該撫既稱黃尾除事後知情分贓輕罪不
議外應照和姦例枷號一個月杖一百李氏被拐雖不知情但與黃
尾通姦是寔亦照和姦例枷號一個月杖一百黃氏誘拐李氏已審
得實但游極並不告官擅行殺死應改照本犯應死而擅殺律杖一
百均先行分別枷責發落李氏仍給還本夫游極聽其去留謝海德

旨依議

不知誘拐販賣情由應予免議等語均應無庸議逸犯黃仲嵩緝獲
另結其黃道等所得李氏身價銀一十六兩并陳任芳等轉賣李氏
所得身價銀三十兩應令該撫照追分別入官給主奉

因母妻被人拐逃羞忿自縊

雍正九年四月刑部會議覆會稽縣民郭元倫姦拐陳阿大妻潛逃致阿大自縊身死一案據浙督李 疏稱陳阿大開張飯店郭元倫常在店內吃飯陳阿大之母嚴氏欲將幼女許給為妻元倫遂央騙高子正陳尚賢說合借名過門留住其家元倫復與阿大妻嚴氏通姦阿大安心縱容後嚴氏又與伊無服表兄沈子麟私通元倫與子麟爭風炒鬧元倫遂與姑媳相商雇船同兩嚴氏逃至義兄沈顯宗家詭稱阿大之母嚴氏係丈母暫留居住阿大見母妻不歸知為元倫拐逃悲憤莫伸卽于是晚投繯畢命歷審不諱查例內和姦縱容而本夫本婦媿迫自盡者母得槩坐以回奸威逼之條將郭元倫等擬軍枷杖等因具題應如所題郭元倫合依和誘知情例僉妻解部刺字發寧古塔給披甲之人爲奴陳阿大之母嚴氏妻嚴氏俱枷號

兩個月杖一百交與陳阿大之叔陳子條等聽其去留沈子麟應照和姦劄枷號一個月杖一百沈顯宗不察來歷冒昧容留合依不應重律杖八十高子正等不知通姦情事均予免議幼女陳氏應聽伊兄陳阿惠另行擇配可也奉

旨依議

因妻被拐媿忿自縊

雍正十年 月刑部會覆益都縣民賈西水拐逃張氏一案據東撫岳 疏稱周祥普因貧難度引賈西水到家閒談令張氏勾引並訴說缺乏食用賈西水復借與米豆周祥普故意躲避縱容賈西水與張氏通姦賈西水因路遠不便行姦又以周祥普需索無厭商謀張氏於雍正十年三月十一日乘間同逃周祥普尋妻不見輒於是夜自縊差拘賈西水張氏到案歷審不諱將賈西水等擬以發遣枷責等因具題應如該撫所題賈西水合依和同被誘例僉妻解部刺字遵照雍正十年十一月二十日題定發往查克拜達里克北路軍營附近地方種地張氏係嬾人枷號兩個月責四十板再該撫疏稱應將承審逾限一月以上之安印縣知縣席泰署安印縣事試用知縣李壽均照例罰俸三個月奉

旨依議

成案實錄

卷十八

拐逃人媳致翁媿追自刎仍擬發遣

雍正八年 月刑部議覆湖撫魏 疏稱蔡玉倫在襄陽縣樊成地方開鞋舖營生有王邦榮偕岳母余氏亦在樊剝頭為業與陳鳳三對門居住余氏替蔡玉倫做鞋誘鳳三之媳崔氏亦與做鞋雍正七年三月內蔡玉倫遂在余氏家與崔氏通姦繼又商量同逃崔氏將鏡子袖袄等物付王邦榮送交蔡主倫蔡玉倫遂雇船先同王邦榮余氏在樊城灣泊給邦榮銀八錢令其往引崔氏并帶幼女逃至武昌各自居住陳鳳三次日即指蔡玉倫拐逃報縣追尋無獲陳鳳三媿追持刃自刎拏獲蔡玉倫等審擬具題蔡玉倫王邦榮合依和誘知情例各僉妻解部刺字發寧古塔給披甲人為奴崔氏余氏係嬖人應枷號兩個月責四十板崔氏仍給本夫收領余氏解回原籍給親收領王邦榮等所得蔡玉倫銀錢等物照追入官奉

成案實錄

卷十八

賊盜

五十四

畧人畧賣人

行依議

拐犯之母羞媿自縊

雍正十一年四月刑部議覆楊科美姦拐馬學先之妻謝氏以致伊
母石氏媿念自縊身死一案應如川撫憲 所題楊科美合依和誘
知情例解部面上刺字發往查克拜達里克北路軍營附近地方種
地謝氏係婦人枷號兩個月責四十板給付本夫收領聽其去留何
新還容留謝氏居住金無和同受賍應照暫時容留例枷號兩個月
責四十板石氏因媿念自縊楊華明金無毆打情事應無庸議奉

行依議

康熙三十九年九月刑部看得安大聽供我與王二等開了賣人的
窟子將康三等拐來滿太做保賣了等語查定例開窟子與眾合夥
將良人子誘去勒逼不肯放出行賣事犯不分良人奴婢為首之人
照光棍例斬立決為從之人發寧古塔給與窮披甲之人為奴等語
應將為首之安大聽照例擬斬立決為從之滿太發與寧古塔當差
被誘之康三等遞解原籍奉

開窟子賣人

康熙三十九年九月刑部看得安大聽供我與王二等開了賣人的
窟子將康三等拐來滿太做保賣了等語查定例開窟子與眾合夥
將良人子誘去勒逼不肯放出行賣事犯不分良人奴婢為首之人
照光棍例斬立決為從之人發寧古塔給與窮披甲之人為奴等語
應將為首之安大聽照例擬斬立決為從之滿太發與寧古塔當差
被誘之康三等遞解原籍奉

官依議

混買開審子拐賣之人

康熙四十六年十二月刑部議覆提督陶咨六哥開審子誘賣人是真爲首之六哥照例擬斬立決爲從之艾七孟四曹四史大俱照例發寧古塔給與窮披甲之人爲奴不行詳詢來歷寫文書之和尙性廣依不應重律折責三十板脫逃孫五獲日另結不知情被誘香兒等俱交與伊主父兄拏送銀二兩八錢戥子一把入官共買香兒等之那青阿等雖不和同誘拐但不詳詢來歷混買若不將伊等懲戒治罪拐賣之人不止應將那青阿那桑阿得奇納伊等妻子解部同發往江寧披甲嗣後

盛京烏喇等處居住之人買人仍照例用印行買外若如此不詳詢來歷混買人者若係另戶人連妻子一并發往江寧杭州披甲係家下人止將本身發往江寧杭州給窮披甲之人爲奴奉

有六哥改爲應斬着監候秋後處決餘依議

